



05314

紺寒亭詩集卷七

古今體

詩集卷七

嘉定趙

題早春四喜圖

一鵲獨占高枝梢二鵲雙棲項背交一鵲平莎蹲塘坳  
昂首引吭呼其曹人言此鵲最靈異一噪能召百福至  
婦孕生男利市倍遷轉官階豐祿賜羅巾螭子夜燈花  
不如此鵲知人事江天漫空烟雪動玉花綴樹攢如蝠  
四禽癡立不自知但覺春風入毛孔和氣薰蒸骨脉間  
喧噪歡欣欲騰踴主人觀圖私自付我逢世難茹荼堇  
七年龔得活根蓼那便喧妍換淒緊靈禽勸汝一杯酒  
剝復循環有此否昨日寒林今吐葩且對此圖看此花

紺寒亭詩集

卷七

將赴京謁選述懷

玉堂清切未能窺外吏銓仍十載遲幸沐君恩還故  
物笑如女嫁已愆期出身頓覺頭銜換謁拜方愁腰脚  
衰惟有羔羊素絲節平生定力在於斯

渡揚子江

江漲乘春急烟光過雨明黏天匹練曳奔海冶銀傾倒  
入羣山翠孤擎一塔清年來頻涉險此日浪花平

宿遷

西瞻連鳳泗北望接徐邳禹甸當屏蔽堯民有溺飢未  
緣耕稼廢顛在決排施當宁東南顧方勤四岳咨

郊坰遙入望蒼翠點春寒山抹蛾眉細河環玉帶寬村  
烟依柿栗鄉味賤魚鰓圯上今何處斜陽立馬看

羸輜

南人不習騎慮有顛躓害羸車製巧妙行役斯則最巨  
郭仿車箱穹頂當雨蓋所苦牽引重兼亦容受隘兀坐  
踵跣交欠伸臂肘礙簸盪水中船搖曳風前旆邸店倍  
宜酬津渡衆力憊一旦有蹉跌骨幹易糜敗曾不如驟  
馬揚鞭差意快譬如入仕籍印組縣銀艾出入必傳呼  
人吏皆謁拜豈知束縛苦卽在此冠帶旁人謂泰侈蓋  
亦觀其外不見車中人時刻憂顛沛人生安樂境無過  
棲畝澮羸車請借論雖小可喻大

紺寒亭詩集

卷七

二

望嶧山

峰嶺連珠起波濤一氣奔旁行如扈從秀出獨居尊飛  
白知泉瀑遙青見石痕大賢生此國疑此是靈根

滕縣

彈丸強國欲瓜分肉袒牽羊未足云齊楚雄圖銷歇盡  
至今人自說滕文

汶上旅店見杏花

緯蕭門巷棘叢中萬顆臙脂醉曉風盡道上林春意鬧  
天工也放一齊紅

道旁塚

前朝葬地賜公卿今見村氓上隴耕山鳥山花不盡恨

石羊石馬却如生子孫聞說離鄉井父老猶能道姓名  
鄰塚一杯荒草內年年麥飯記清明

所見

花鈿鬢驪鴉翎滑湘水袈拖鴈翅排行過看看宮樣窄  
沙紋留印兩弓鞋

又

春半江梅乍落英林端何處響流鶯柳絲拂地東風軟  
墻內鞦韆語笑聲

孟嘗君故里

賓筵能致三千士食邑還招六萬家故里荒涼餘老樹  
淡煙日暮集飢鴉

紺寒亭詩集

卷七

道旁碑

誰說居民涕淚新豐碑十尺玉嶙峋碑旁亦有甘棠樹  
早爲樵人斧作薪

雜感 五首

自應獨柳濺餘腥未快生前寘極刑楊左諸公牢戶死  
何人許到夕陽亭 逆璫行至阜城自經

熹廟彌留未上賓承祧最是信藩親宮門傳詔須臾緩  
紅燭光中別有人

宗社安危在決機西宮不比宋宸妃前賢聽說韓忠獻  
簾撤人還見御衣

臨御英風徧九垓愍懷下謚亦堪哀 章皇度量同天

地曾欲增修陵寢來

見木陳和尚語錄

形勢金陵却未全破亡曾不待樓船錢塘盡道偏安小  
猶保南遷住百年

任丘縣隄上

班班車又過河間路入長隄碧水灣平澤寒雲連北海  
遙空晴雪見西山朔風欺我知裘敝春色何能換鬢斑  
百里倘依桑梓近白蘋花裏此南還

白溝河

自北以北即燕雲十六州地  
建文時靖難兵大戰于此

遼宋分疆衣帶斜燕師戰鏃久沉沙文皇社稷今何在  
禹貢山川已一家日落波心明似練江縣雨脚細如麻  
陰雲天際常舒卷往事興衰莫漫嗟

紺寒亭詩集

卷七

四

督亢陂

提劍荆卿勇絕倫浪將七尺殉強秦燕讐未復韓讐復  
狀貌原來似婦人

琉璃河看鴛鴦

紅鴛對對浴清波平疊羅紋護作窩莫謂物情偏近濁  
雙飛從不落淖沱

寄園修禊詩

四首

尋春何處好春在少城隈莊是藍田舊人歸白社來屐  
聲穿礪竹檐影落庭槐先後羣賢集叨從末席陪

天街咫尺接飛不到緇塵綬冕林間意鸞花物外春鬚  
眉皆映發肺腑一清新假館堪消暑看雲住十旬

漫說蘭亭會東南樂事偏襟懷如晉宋人物聚幽燕道  
廣吾何有交深性所便風流千載語亦得附前編  
放曠無拘束冥搜百匝行摩娑樹老大吞吐水空明境  
遠孤情寄吟安隻字爭詞門哲匠在未敢最先呈

題王令詒載鶴圖卷王將之官銅仁

兩箇輕舟載客裝開籠白鶴似人長到官月奉無多子  
不辦齋廚辦鶴糧

其二

山水蒼茫眼底收侵人詩骨冷千秋嫌君面目烟霞氣  
束帶如何見督郵

周儀一南歸爲題小照送其行

紺寒亭詩集

卷七

五

伐木聲丁丁響荅在空谷君子求友生千里同比屋夫  
非契分投逐逐羣麋鹿周子淮海一邦彥聞名相思未  
相見往介張子漢瞻氏辱貽長句題便面辭格清拔旨  
溫醇楷隸密行細若霰氛埃溽暑蕩滌空瞥見春林發  
蔥蒨我時正做裝僕馬具鞅韉吟諷置懷袖一步一眷  
戀地邇人則遠夢寐意弗善暇出新詩一含咀便似一  
江皓月澄銀練有一詩翁豁眉目清言酬唱同遊讌我  
今突兀見此圖失聲爾汝驚相呼眼如望羊領飄須非  
我故人其誰歟我待銓除君征車聊以木李報瓊琚君  
過徂徠雲氣深君到甓社珠光沉雲水蒼茫何處覓語  
君朝夕且向詩中尋

送同年王學菴之任銅仁四首同西溟西厓亦抒  
蕉飲西齋諸公作

偏是文章伯多教領簿書宦塗尊館閣時論別龍豬嶺  
瘴今初出苗荒又此除藕花香撲岸薊北發征車

二

便道攜房累西南上百盤烟雲天柱小風月洞庭寬秋  
與詩俱老官隨水共寒惟應千古意萬仞插層巒

三

楚地黔江接編修近此過

西厓主考貴州過此盛稱林泉之美

樹參天作

幕山抱水成窩手板封蛛網朝衫染黛螺神仙與寶玉  
所得孰云多

紺寒亭詩集

卷七

六

四

開府師門契監司衆具瞻

彭無山先生

切磋冰雪共委任股

肱兼人且倚公重天今就汝廉驛書騰最績未得幾年  
淹

和劉隨州雜詠八首同令詒赤抒西厓元朗作

晚桃

獨殿芳菲節容華亦自呈輕紅新朶艷歷綠小叢明園  
卉盡無色栗留時一聲釵梁斜插處年髻暗關情

古劍

二尺匣中鐵霜花拂處寒冶應出薛燭功記斬樓蘭血  
蝕芙蓉暗塵埋象緯千未銷今古恨帶此別燕丹

疲馬

怪此風髮亂何能電影爭敵場愁獨赴御榻望應驚雨  
澁癡耆苦烟羞匹練明將軍終愛惜曾是致時清

春鏡

青銅光燄發最是艷陽時掩恐妍華妬窺因瘦損疑影  
留新髻樣花入隔簾枝但願團圞照常如月一規

幽琴

金徽初按撥空際一聲飛隨雨落寒澗和雲入翠微羈  
愁寄苦調禪榻發清機房相歸山後人間知者希

舊井

甘冽堪時用荒榛沒一庭銷沉廢殿瓦怨別古銅餅秋

紺寒亭詩集

卷七

七

老梧桐冷春歸石髮青曾傳龍躍出夜夜想精靈

寒缸

孤燈玉漏斷獨夜錦衾悵夢破驚餘燄燒殘意亦灰白  
分霜月苦暗偈砌蟲哀綺席笙歌處搖紅落酒杯

白鷺

廻塘小嶼立更不羨魚鷹孤夢聯拳穩清羸一飽能蒲  
蓮依水靜玉雪怕人憎酷憶池亭外闌干鎮日凭

送家和千由戶部郎陞按察司僉事督雲南學政

儒臣天上應文昌萬里滇南正耀芒秋憲衣看添鷹繡  
夕郎口尚帶雞香水壺清映昆明水畫戟寒生楚塞霜  
絳帳笙簫須記省夢回春草在池塘



賦得庭中有奇樹

限用九青韻有序

同年孫松坪庶常宅中有雜樹高可百尺庶常  
大父中丞火東公所植也中丞起家贊遼歷功至  
登萊巡撫以援勦兵變被難國論惜之中丞三子  
其季九服嘉定城破死之伯頰菴余外舅仲祿菴  
庶常尊人也皆守先志謝諸生不應舉庶常一日  
有宴集中丞外孫侯鳳阿賦庭中有奇樹四首一  
時主賓相調和多傑作余亦追和如左此樹代更  
兩朝家歷三世矣闕陵谷之變則悲感易生忝肺  
附之親則休戚與共砥筆和墨不自知其羽聲慷  
慨也

紺寒亭詩集

卷七

八

寒翠孤撐奉禮廳  
毳毼鳳羽漾空庭  
將軍去後餘精爽  
丞相祠前入杳冥  
遼海夜歸聞鶴怨  
蓬萊雨過帶龍腥  
忠勞志業銷磨盡  
不忍秋堦落葉聽

又

物在人工喪典刑  
樹猶如此歎飄零  
兆占車蓋原成讖  
神避旄頭忽隱形  
望帝魂來啼血紫  
孝陵鬼亦哭冬青  
何人爲洗沉霾氣  
黎火從分太乙星

時方纂修明史

又

陵谷升沉亂渭涇  
留傳奕葉是寧馨  
枝間鍛羽孤鸞鳳  
樹底飛鳴兩鶴鶩  
蕭瑟從遮楊子宅  
扶疎隱見少微星  
靈株豈便隨衰朽  
結得人形一茯苓

又

材不材間易永齡孫枝秀出太亭亭追隨槐棘應拖紫  
錯比篔簹幾殺青雪虐風饕推玉樹汲深縵短想銀餅  
天家尚有滋培意重看移栽入 禁庭

奉呈座主南昌司空公

鑿坡侍直早雍容執法西臺奏幾封抗直盡稱殿上虎  
彰施能繪袞衣龍遠收震澤三江秀高出匡廬五老峯  
清節鴻才誰比似歐陽一代是儒宗

其二

高臥東山特賜環

聖恩一歲九遷官司空宅土仍咨

禹南海碑文又繼韓

近奉命告祭南海

學術匡時名世早始終

紺寒亭詩集

卷七

九

完節舊人難入朝道路爭回首龍馬精神未改觀

以拙稿屬西厓點定過辱獎譽作此申意

退之推東野至欲低頭拜永叔於蘇梅謙自居後輩梅  
孟清峭姿舜欽卓犖慨然以視二公力恐有未逮夫豈  
過貶損乃故爲此態世人才僅中人亞便轢陰何凌鮑  
謝始知古人蘊藉多所造愈高心愈下我友西厓氏天  
上太白星降精肝肺瑩澈神觀清直疑太華峯頭玉井  
水結成胸中醞釀文百軸細者入毫芒大者包滄溟俯  
視述作家笑比蚓竅鳴伊嚶賤子性蠢鈍思澁軋軋抽  
東萌况遭離憂多楚聲放恣橫縱不中程先生手此編  
讚嘆不去口愛我筋骨相纏紐愛我色理又沉黝氣味

取澹泊形模畧粗醜謂其用力深苦處頗窺作者得戶  
牖先生廣大不自有顧乃爲我矜傲帶嗚呼岷江不自  
知齋淪泰岱不自名嶙峋百世而下令我悠然見古人  
論詩一章呈湛園東江查田西厓西齋蕉飲赤抒

諸公

黃河萬里混混黃落天東走誰堤防吞吸山岳一蜃蛤  
畜擾蛟鱷如豚狎氣勢偉岸萬夫傑豈復靚倩婦女妝  
若乃渟泓一止水鴛鴦鷓鴣飛泳翔春波嫩綠秋氣淨  
水石春撞鳴鏗鏘此是清冷標韻致未與乾坤接混茫  
詩人以來有李杜造物元氣相扶將牢籠萬彙鑄羣品  
山河大地中包藏運用精微入神鬼不嫌硬直筋骨張  
紺寒亭詩集

卷七

十

其他衆流分派出各各一體矜一長學者偏此逸品收  
不營臺殿飾山莊氣魄恆怯膽力薄刻鵠成鷺庸何傷  
入主出奴遂顛倒毋乃卑漢尊夜郎未聞八音顛絲竹  
未聞五音缺宮商賦體敷陳興托物風主諷諭頌鋪揚  
皇甫番橘思痛憤朱綬綠滕詞焯焯或收要眇鄙伉爽  
風比義存二雅亡珪璋重可陳法物甲楯威亦衝敵場  
但揮玉塵談元理未窺尼山萬仞墻我執六義論詩學  
天子號令諸侯王天假年力再切究荒言猶恐涉披猖  
寄園用西山白石疊成峭壁賦此呈家給諫公

隔屋乍驚細泉響入門忽怪亂山立猿僂作勢欲攫拿  
仙鬼向人相拱揖嵌空白石如白雲疑有鍾乳垂乳汁

名園巖谷不一奇此又翻空肯蹈襲主人身在鷓鴣班  
懶入官班愛此山西山琢破紫翠斑清溪瀾出碧玉灣  
無人拄笏自吟賞有客賦詩同躋攀夜枕潺湲憂劍佩  
曉牕溟濛舞髣髴京師漫道塵寰內不少林泉似此間  
但少主人似此閑

積雨排悶得二首

繁雲罨四野蒸潤上礎碣急溜驟鳴堦雷怒作斧劈堂  
祀沉積水渺然湖波白高鳥托卑枝羈棲戢勁翮蝸牛  
得氣勢升騰奮角力好雨滋良苗愆伏則已僻坐覲陰  
霾收未愁陽曜匿林麓浮空翠雨過出新滌檐際望西  
山蒼然照晴色

紺寒亭詩集

卷七

十一

昔歲客淮甸河波高壓屋兼以霖潦昏雨聲哀如哭常  
恐二州民平沉作水族側聞今夏災魚鼈上樹木三吳  
唇齒連慮或同斯酷妻衰兒稚駭仰此年穀熟我求寸  
祿霑顧爲微名縛目斷高雲端摩天有黃鵠

秋思

乍此煩襟滌高涼意思新鳥飛沒孤影秋遠淡無垠幽  
怨寫瑤瑟清謳翻白蘋懷人隔江浦煙波何處津

謁選得定陶令將引見 暢春園先詣吏部過堂

尚書季感熊公注日諦視稱老名士者三又向侍  
郎陶公再言之歎嗟良久座主崑山尚書公出公

門有師友淵源而公門庭高峻實未通謁不知鄙

人姓名何緣得在當代鉅儒名卿齒頰間也昔人  
言天下得一人知己死可不憾况人倫師表如公  
哉賦此恭紀感激涕零不知所云

尚書北斗正高懸刮目驚看異數偏稀聞公卿能下士  
各嗟草野有遺賢身名爲惜蹉跎晚姓氏翻從患難傳  
百里專城承寄托自慚何以副陶甄

合肥相公席次垂問庚午辛未間事卽席呈

銜花黃雀傍檐飛不道琴聲寓殺機清議已憑萬口在  
昌言翻覺寸心違詩雖怨詵歸忠厚禮爲尊親諱隱微  
珍重相公垂問及樽前但有淚沾衣

少宗伯王慎菴先生見招話舊當日先生爲此案

紺寒亭詩集

卷七

十二

牽引幾不免

城門焚燎燭餘殃煮鶴燒琴勢欲狂小白艱難曾在莒  
仲尼疑似竟圍匡逝波此日皆東海設筭何人也北邙  
剩得閑身話疇昔叨陪杖屨午橋莊

上郡謁太守朱公行至獨山風雪大作又聞巡撫

王公出巡兗西急回縣

黃雲幕天天作雪烈風摧山山欲裂前騎後騎相錯迕  
近村遠村都滅没子夜風定昏霾消芒角大星光奪月  
車鐸郎當破曉霜馬蹄蹴水如蹴鐵嗟余齒衰筋力疲  
何事蹶躓車塵爲大府前驅涉泗沂又傳憲使旌麾西  
旣改南轅還北轍所至尻高頭爲低三日新婦敢自主

媪喜又恐翁勃谿我性拙鈍一木雞只合故隴把耒犁  
奈何局趣受纏縛凋枯顏面如凍梨路口亭亭一古樹  
寒翠常留白雲住千仞巖頭閑看人巖下行人自來去  
過嘉祥南境諸山馬上作

童山無竹樹如人禿髻髮而又乏水泉豈得脉絡活亂  
石落坡陀骨幹負特傑但少華滋浥容顏未充悅泰岱  
羣山宗巖觀日月揭之采華不注奇亦森映發寧獨濟  
西山美秀讓吳越世好易婪然人情棄朴拙耳目無常  
玩多爲巧麗奪玉璞黃金礦空青丹砂穴其外未宜浪  
其中有蘊結不獨山水爾以此觀人物

濟寧訪少陵南池詩石刻上太白樓眺望

澗寒亭詩集

卷七

十三

濟寧是古任城郡今鑿漕渠通輓運城中衢陌車馬闐  
城外舳艫鏡鼓殷屏騎獨尋南池濱一片秋意落城根  
鳧雛唼喋蒲稗荒古碑剝蝕蒼蘚紋上有飛樓挿天起  
動盪雲物萬象奔龜蒙鳧釋三兩點若滅若沒遠可吞  
少陵太白兩詩老當年薄宦殊潦倒公卿權貴炙手熱  
下視鰥生等秋草陵谷變遷城邑改獨有騷人詩句在  
天壤有壞各不壞朱紫金繒皆土芥我今憑弔上百尺  
晴昊烘雲龍鱗白達官呵殿從南來前導羽葆後執戟  
紫貂之褭銀貂襦道旁行人皆屏息有人高聳吟肩出  
金石噫嘻彼何人與誰識得

小除謁憲副宋公回寓作

更闌初得出車幃，獨酌星河欲墮檐。冷淡官廚隨旅店，疲勞手板甚腰鎌。鶴琴作伴身無累，鳧舄朝參歲幾淹。閣枕猶堪圖美睡，監司聞已霽威嚴。

其二

銓曹半載注頭銜，一命何曾寸祿霑。

俸以補司庫奉裁

料檢家

貲餘腹笥考稽日，課減書籤才情便。恐隨年退歲月何緣，向後添政暇高吟，能不廢清娛。算是蕉根甜。

己卯元旦河上口旅次口占

迎春送臘似循環，客裏驚看正朔頒。海日蓬萊添曙色，宮花劔佩憶朝班。敢辭王路風霜瘁，欲繪民依稼穡艱。且喜鑿輿遊豫近，未僚又得望龍顏。

去年七月在暢春苑引見

甜寒亭詩集

卷七

十四

新正二日抵縣

都忘歲月已云徂，我馬虺隤我僕痡。入縣始知淑氣轉，滿城換却舊桃符。

卽事

四絕句

曲墀下處綺羅圍，鳳尾檀槽隔院微。春暖盡留歌舞地，獨餘寒月照征衣。

布穀柔桑已弄聲，田家犁耙及春耕。官司被檄供糧料，仗汝殷勤一勸耕。

聖主南巡萬里遙，珠宮貝闕盡來朝。龍舟未到春先到，一尺河水薄似綃。

河注東南日夜傾，憑陵二瀆若交爭。此行定汰黃流濁，

分出清淮一股清

抵署次日迎春

三日逢春侯未違芳菲今日應青旂勞人不是先春到  
天意留春待我歸

士人貽水仙花一盞置筆床研山左右與南燭蠟  
梅相映帶公餘清對借以滌蕩煩襟發攄吟興奉  
檄赴濟南燈前冉冉若戀別者以長句寫其意

微霰浙瀝下空庭攤書燕坐閑鎖廳門吏侵曉白何事  
送花人至傳柝鈴小磁斑駁鴨卵白疎葉葳蕤鳳尾青  
玉盤金盞朶朶鮮隔戶遠已聞清馨此花自是江鄉有  
此地相逢恍舊友南燭紅豆綴珊瑚梅檀心包磬口  
後先羅致送者誰薦紳之徒云某某花卉聊供耳目玩  
取非其有夫豈苟自提銅餅汲古井愛護宜同靜女靚  
我今別花赴行省花若低徊羞顧影藤床竹几悄無人  
檐月窺牕伴清冷客子對花苦憶家祇今又向天一涯  
花不負人人負花回首臨風一歎嗟

由東平至濟南途次得二律

勞筋吾敢息鞍馬漸相宜翻以馳驅暇還辭案牘疲沙  
禽帶暝色津柳弄烟絲不是頻遊覽春深客未知  
遠騎看疑立連山去若隨此情會者少能畫近人誰著  
述千秋事乾坤萬卷詩時時遂幽討精力未爲衰

開河牯嘗魚



下箸能蟠也不如季鷹當日賦歸與高賢漫說公儀子  
只嗜爲官不嗜魚

皇甫集赴渡口

寒流澹生漪風力春猶勁疎影一行度高鴻落明鏡漁  
艇別浦收津頭夕陽競歷彼世故紛頽此年華盛波間  
何處笛滄浪發歌咏林壑滿蒼烟餘音入清聽

于役

冬春事于役惘惘靡有省節物夫何時山村已見杏雄  
雉挾其雌蜚鳴過西嶺羣動任所適暄和玩流景而我  
一官繫瞬息百慮并恐此汲井深未便垂短綆白雲依  
孤岫此意已遙領

紺寒亭詩集

卷七

十六

題僧舍畫鷹

雲霄自是飛騰物何事支公亦愛鷹多少雄心方外老  
深山枯坐伴禪燈

宿田家集

暮靄前村隱見中到門新月已生東清熒燈火疑禪榻  
偃僂庭槐狀老翁驛路驚心府帖下夢魂安枕宦囊空  
賢勞不是哀慵事極目江鄉一畝宮

城北劉氏園看牡丹作長歌

人間萬事夫何有但有看花賦詩痛飲酒我昔住京師  
一住五載久是時輦下富文彥酒社吟壇我盡友能仁  
海棠繁似纈豐臺芍藥大于斗花酣墨飽相映發麗句

清裁皆舊手跨馬攜尊無日無我無拘束無官守自作  
官人提縣印鎖廳封識出入慎花時亦有送花人瓷盎  
銅甌尺寸僅劉家花圃足奇葩上苑移栽曾百車簿  
領公事未放衙如頭悶癢不得爬今朝屏人從單馬出  
郭托詭辭便恐違反教令徇所私上墻如狔柵茅屋如  
雞栖入門絕不見芳菲只見翠柏屈曲三匝圍碧琉璃  
屏絡蕨蕤中藏萬本分叮咛麒麟蛺蝶錦紛披其中木  
難火齊堆珠璣其外遏抑掩蔽不使寶氣露端倪血  
殷熊脂白衛國綠衣漢宮黃額新譜題名出傑特惜哉  
已被封姨厄獨有芍藥試綽約主人應許再酬酢所恨  
局趣受人轍轉眼花開花又落人言宦情濃又言歸田  
樂二者校論我未憑但問看花誰疏數

紺寒亭詩集

卷七

十七

雨

亭午日氣微怪此林霏白雨勢南山來蒼茫宇宙塞下  
馬小憇足林廬漲已失仰見雲漏穿行避潦登陟燈火  
出木杪前村昏黑及却笑衣襍單不足蒙霑濕明發星  
夙駕寢興百憂集不如田舍翁雨過卸蓑笠

乘羸車至南陽隄隘不能前登舟遇大風雨

塗容一軌車偈仄南北驛使交馳突糶錢僱得行驪子  
篷底擁坐雜隸卒人生萬事那稱意下脚水溜遭風逆  
乍拂波面蹙靴紋旋打船頭作礮石川氣翳旬一色黑  
白雨注射如鳴鏑長魚桀驚挾氣勢騰起衝人人立竝

水鶴入雲叫其曹橫拓兩翅闊十尺長年僵臥呼不起  
欲進還作退飛鷁緬余客歲上選曹暢春西苑承恩澤  
天顏望見幸密邇臣敢遲徊避風色粵稽古昔垂典  
文天子巡狩臣述職宣布德美典禮讓平反寃滯除殘  
惡城隍繕治溝洫修疵癘弭消麻麥菴郡國其有不中  
程大者刑誅細譴謫周漢察舉有教條奔走趨承匪所  
亟况今 詔旨崇省約 尚方廚傳罷供億小臣誼不  
顧其私頭目身髓夫敢惜妄陳典故議可否非乃所言  
但默塞

迎 駕至滕縣吳家橋憩村莊泐河別駕胡公遠

自夏鎮餉櫻桃

紺寒亭詩集

卷七

十八

匹馬河干徹曉馳歇鞍矮屋未晨炊故人遠道攜籠贈  
行在嘗新薦 廟時點破桑陰明綠野助添榴火絢  
朱旗遙知 帳殿承恩者飽食從容下直遲

棗林羈語悅可人聽觸緒抽思因成二韻引物連  
類情不自禁含毫舐墨寫之於紙累日共得八絕  
句緣遭際休明雖勞人下吏馳驅靡盬猶得寬閑  
手足娛弄景光如此爾

鷺

聯騎南星出郭尋金衣熠燿綠陰沉聽來圓滑還依舊  
不是雙相斗酒心南星京師西南門

燕

鉤起疎簾欵欵飛居人出入共忘機南來剪得吳江水  
不教梁塵澆故衣

鳩

托迹何妨蔽帶樗借巢哺子一籬廬任他巧婦能營辦  
自分疎慵謝不如

鷓

羽翮蕭疎尾秃梢遠尋林莽下塘坳駕橋亦是填河用  
敢取桑根自壘巢

鷺  
啄木鳥

破柱搜牢似詰姦亦應爲物去痾瘵須知大塊原容蠹  
不但蟲生朽樹間

紺寒亭詩集

卷七

十九

鴉鳩

呼雨呼晴徹旦宵偷安敢自比鷓鷯世人不識關心處  
直使陰陽水旱調

雉

襪從錦羽簇鷓鷯翎照耀山龍袞繡成文物今時真際會

太平 天子嚮離明

鴿

穿雲力亦鬪高風懸峭曾封銀合中莫傍茅簷家食老  
廟堂今日錄邊功

嶧山湖眺徐沛諸山

長湖望不極遠勢涵空虛洪濤拍天浮上欲與雲俱帆

檣自翔舞洲渚相縈紆直浸南岸山倒入如懸壺山亦  
飛遥翠冷撲人肌膚凌緬奇懷愜麗囑幽憤據便欲馭  
鸞輪放曠縱所如茲方服簪組動乃繩檢拘他年俶歸  
裝發軔當首塗湖山再覲面斯盟吾不渝

過姑姑巷

車脚衝泥曉帶星天圍平野合如屏雨從山翠飛來白  
草覺沙禽下處青蜀林見縣志又葉稍初吐穗木棉花  
朶乍垂鈴歲功民隱關心切敢便高吟宿驛亭

閏七月八日夜夢與翁蘿軒戶部湯西厓編修展

畫幅指點巖壑歷歷覺而記之以五十六字

挿天絕壁俯驚湍結伴追攀性所安宦海易教塵網隔

紺寒亭詩集

卷七

二十

畫圖猶許夢魂看烟雲曉覺留庭戶水雪清如浸肺肝  
迴首風流舊吟社燕吳兩地路漫漫時翁家居錢唐湯官京師

以宦况示舍弟寄土紳一疋志憶

話我爲官近濟西芙蓉繞郭棗垂隄衙齋傳有三荆在  
傳是田真兄弟故宅今猶存荆一本家口輕如一鶴攜訟牒餘閑親筆札  
奉錢雖薄代鉏犁匹縑寄製姜肱被何日還同故壘棲

按事至城北棠林村

蓋聞和氣應民無凶短折而云有道殫赴愬此陳牒夫  
司牧者誰豈非德教缺不敢委諸副暹憚秋暑熱瀰瀰  
原田廡望望村墟列隴黍旣豐稠林果亦蕃密皆言畝  
澮修我公能我活弭轡秀木疎出井甘瓜列蠲彼供帳

煩毋令耕耨獄幸單詞剖道已謝曩哲閉閭省愆尤  
寢興何時愜

墻陰移栽小竹一本葱蒨有生意公餘吟嘯其間  
因短述

荒庭榛莽交芟柞始就理雜英吐芳鮮紅紫亦繁委疎  
筠移弱榦高可及肩止已抱干仞姿不隨衆卉靡秋風  
弄嬋娟月露滴清泚野性羣麋鹿簪組猶泥滓對此翠  
琅玕心胸消凡鄙我家雷墩莊萬綠圍煙水虛牕閣枕  
簾天籟發宮徵恍惚寢寐間佩環如在耳瘦影兀孤傲  
寄典聊復爾矯首望江鄉白雲天際起

大駕南巡詩五章

紺寒亭詩集

卷七

十一

皇威北靖白龍堆 法駕南過戲馬臺凱奏曲成武宿  
夜時巡事異上之回岱宗河伯隨方待炎帝句芒應候  
陪草野預知膏澤沛懽騰萬井沸如雷

吳越襟江帶五湖秣陵龍虎舊各都遵循典禮行春省  
供奉 慈寧歷奧區據域中尊撫馭遠極天下養古今  
無還宮色笑承歡日一統山河指掌圖

艦艤不用架通梁蘭檝棠舟小權郎牖水平隨瓜蔓長  
舶風涼送藕花香津亭排列朝衫紫坊巷傳看 御蓋  
黃赤縣神州庭戶內羽林無事設周防

少府金錢勢若傾增卑倍薄費經營直須 萬乘親臨  
塞坐使千年績用成昏墊民還寬賦稅動勸人許就功

名從今善後宗臣在二瀆河淮一委卿

丹詔傳宣萬里行普天雨露斂風霆舟車額減新加算  
岸獄仁寬殊死刑一榜紅綾恩數闊百司黃卷處分停  
回鑿更有興釐事中外臣民傾耳聽

顏村店哺食

雲斂天空肅庭虛樹影斜風蟬吟病葉籬荳落秋花溪  
網雙鱗活盤飧一匕加車徒且少憇愛此野人家

渡汶水

水沙初不辨遙見白茫茫駐馬聞湍響輕橈破澱紋劃  
分兩岸樹全浸一天雲不待冠纓濯心空去垢氛

張夏

紂寒亭詩集

卷七

三

路穿曲礮上盤陀遙認晴峯染黛螺回首五年三到此  
故園知是別離多

柿林

火傘高擎血色紅霜餘葉底已成空年來病喜無消渴  
未藉君家潤肺功

己卯八月望日同主考學士張隨齋檢討李伯猷

二先生暨同寅青城邵賓門魚臺陳密菴汶上樊  
詒孫臨胸陳紫馭諸城李輝巖日照張惕菴昌邑

蔡南臯卽墨鄒晉公城武家桐崖嶧縣家禮齋觀  
城家集菴諸明府阜平黃坤五杞縣常靜菴二學

博試院卽事得臺字

涼動松風萬壑迴鎖廳巖鼓徹明催中天宿歷牽牛度  
大國人看倚馬才對策 盛朝收賈董主司今日是歐  
梅龕官誓許辭民社得共諸儒議曲臺 分枝得戴記

登前韻 凡三首

東海頽波手障迴先聲疾若順風催扶輪大雅推儒者  
要駕權奇亦雋才舊學粗能分菽麥得人預可備鹽梅  
姓名先達尚書府行省今從御史臺

鑿輅新從五月迴賓興典物 璽書催三千弟子皆充  
賦十二河山豈借才多士入林全是桂求賢若渴正思  
梅明春蚤上公車對自有黃金爲築臺

蓆帽芒屨首重迴今宵官燭又頻催給來法醞三升酒

紺寒亭詩集

卷七

三

吸盡文江八斗才隔院秋香聞白菊故衣蒸溽帶黃梅  
看泉何日追隨去二妙於今在一臺 主考訂出關  
看酌突泉

望見華不注山不得上燈下有作

看山便如訪友去豈知覲面還不遇兒童知有華不注  
聞名未得到其處馬頭天外卓一峰勢作翻空欲軒翥  
決皆忽入飛鳥羣騰身直上峰頭駐古人陳迹已蒼涼  
戰血銷沉但烟樹傳道闔都冠蓋聚脚躡手板趨如鷺  
城中鬣塵十丈高迴頭已失巖壑趣何異主人豐膳具  
肉乾人飢不得飫嗟哉吾生福命慳此行翻愧識此山  
五十年來到此難已遇不遇竟空還璧月銀燈照客顏  
恍對林巒紫翠斑好將泉石膏盲意仍寄烟霞夢想間



鹿鳴宴席上賦

宮羽弦匏奏肴核籩豆踐賓階列鴈序台座映蟬冕獻  
酬既交錯登降數仰俛峩峩容服盛棣棣威儀選巖馥  
清遠聞霽景翳盡捲觀肅人語屏禮成日晷轉緬茲表  
海雄風土浩墳衍秀靈鬱宣洩 聖治有光顯物行法  
周官察舉循漢典 黼座切簡在輶軒親策遣雲松得  
但徠夏翟致羽猷骨相或權奇神姿亦婉孌譽望衆云  
歸公忠近殆鮮顧余久荒落常懼蹈駁舛追隨幸不辱  
燕賜媿已腆束躬比珪璧爲國貢瑚璉紀此志嘉寵益  
用自勗勉

釣突泉

紺寒亭詩集

卷七

五十四

君不見濟水之源發王屋水性沉勁色黝綠其流乍見  
乍隱伏潛行地道穿山麓東北遙遙一千里奇觀溢涌  
驚飛瀑元氣亭毒土脉盛檻泉上出如星宿相其噴薄  
挾怒勢欲與天漢相連屬翕張一似鼓橐輪推盪豈亦  
設機袖疑有老龍窟宅蟠吞吐曬珠一萬斛不然下藏  
硫黃礬石丹砂床煖氣蒸騰沸百谷煖暑不爲枯巖凝  
不爲縮觸石淪漪響琴筑翔舞鴛鴦翻屬玉下甃文石  
成方池上架珠宮紺殿相撐檣達官貴人雜選至連錢  
錦障卷毛獅捲白波熱落何吹動豪竹撥哀絲張筵作  
伎徒爲爾反厭泉聲聒人耳嶺月溪風韻冷然塗澤金  
粉非其天吾欲披襟散髮石上眠山水清音當管絃和

以莊生秋水馬蹄篇

出濟南城野望

郊坰經月別瞥眼乍驚心但訝煙光淡都忘秋氣深水  
花凋菡萏霜葉變林檎歸思翻飛動隨雲渡遠岑

同魚臺令陳捷公過寧陽訪令君李惕菴留看菊

花卽席口占

相逢便許設盤餐四壁疎花照座寒秋色留人銷刻漏  
宦途暫此避危灘甘酸况味知心共吐納風流片席難  
明日東西分手去無窮離思在征鞍

九日過獨山集登眺

令節每從馬上過今辰又此陟山阿亦知筋力疲勞甚

紺寒亭詩集

卷七

三

其奈雲峯縹緲何跌宕圖書天地小牢騷客恨古今多  
若從官舍拘文墨那得憑高一放歌

秋旻

淺碧平鋪邗色勻更無纖翳點秋旻雁行映出微茫字  
畧帶欹斜類洛神

又到

棠梨櫟柳亂堆叢楮石丹砂著色濃前月客遊今又到

風霜別換一山容

寄懷侯鳳阿張仲偉

文史沉酣彼此耽年來自愧廢研覃知心望欲穿雙眼  
老手今應讓兩髯竊祿浮沉淹歲月著書憔悴臥江潭

聖朝儒雅終專用引分疎慵我已甘

食鱸

可憐往日持螯手曾不停披是簿書客裏得嘗風味絕  
未嘗還憶有鱸魚

檢湯西厓編修使黔集

掩卷常有憶相尋似故人思沉入要眇境絕得生新萬  
里山川聚千秋詩史陳奇聞發壯采良足慰蕭辰

早行過紙房

我車已脂轄我馬已芻藁出門看中天歷歷參與昴遠  
林未辨色微茫但一掃落月停陰岡嚴霜棲衰草宦途  
足波瀾烟海汨孤島我子役未返我妻愛用老百慮相  
相寒亭詩集 卷七 三  
攻攢端居就枯槁憤鬱奇所宣跋涉良亦好雲峯正在  
眼我且事幽討

戒吟

毛穎夫何物猖狂任所之刻雕元氣盡役使古今疲蠲  
俗人難近招窮汝實爲知非隨省改悔已廿年遲

破戒

詩非我好事境觸動吟懷若敕篇章斷真教意象乖塵  
襟誰漱滌烟景便沉埋律令終難守食言亦復佳

答客問

積書猶滿一匡床何用脂膏潤客囊若比君魚吾豈敢  
定陶原不是姑臧

送同年行取入京詩三首

滋陽方術泗

雙鳥遙看向玉京亂山晴雪照行旌久居泗上諸侯長  
今去朝陽一鳳鳴外吏深知民疾苦諫官直與相爭衡  
須知留滯周南者還聽遷喬喚友鶯

夏津宋鶴岑

江左風騷舊主盟五年勞吏政初成朝端棣鄂雙枝秀  
家世梅花一樣清峭直自知強項在披陳定敢犯顏爭  
聖明不厭危言切焚草還應避直名鶴岑負氣敢言事而諫有直有諷落句朋友頌規之義也

費縣惠沛蒼

紺寒亭詩集

卷七

七

九天特下 聖書徵平躡丹梯上百層行集梧桐生照  
耀不因枳棘困飛騰木從繩直寧阿世佩茲佩韋蓋各有所規云茅  
以茹連况得朋封事袖中應草就舉朝聞已憚風稜

太守李公生日奉呈四十韻

建邦班五等列郡比諸侯汶泗交流地徐揚控上游東  
臨海日近北顧岱雲收沃野方千里雄藩第一州官常  
尊表帥 帝簡正勤求蚤歲聲名著鴻儒器業優鸞刀  
隨所試繡袞舊猶留吳苑繁花鳥淇都直斗牛遺黎霑  
宿雨劇任煥新猷威令旌旗變仁風草木柔香清寒晝  
戟閣靜御輕裘濶達蠲苛細聰明燭隱幽蒼鷹皆化眼  
疏虎或春喉春作銷懸劍宵行少竊鉤泮林桑椹食農

野黍苗稠尚猛卑張趙還淳復魯鄒三風申訓誠六計  
凜繩糾奏記郵筒啟衙齋密坐投煦和暘谷日蕭灑洞  
庭秋下吏清如鵠逢人拙類鳩治嫌儒術緩勞愧俸錢  
酬常恐愆尤積全憑教督周愛蒙膚髮切語自肺肝抽  
德澤彌侯甸恩私重介丘強年服國政餘慶集天休此  
日隨雙鹿他時擁八駟漢家丞相起唐室贊皇伴軍國  
平章事經綸久大謀都堂歸掌握甲第賜遨遊大呂灰  
飛管中星夜指婁桑弧曾發矢曆算又添壽彩鳳扶雲  
輦斑麟薦脯脩杯傾銀鑿落屏隱玉雕鏤煖地花成纈  
晴山雪滾毬會同接踵至偃僂及階摳謙假崇卑體廉  
辭大小球箴規知勒座津涉鞏同舟卯翼真無似甄陶  
紺寒亭詩集

卷七

七

有此不榮今誇李御抃欲效齊謳永矢二天戴行看百  
祿道

壁間畫爲題四韻

虛堂素壁動秋水漫陂湖漁叟歡相語鳧雛活欲呼煙  
波物態有眉目世情無役役征塗者何年入此圖

雜詩

蚤起風力峭夜來霜氣繁林莽已含滋谷鳥猶未喧驅  
馬歷城邑游目眺丘樊肖翹各有適簪組殊爲煩仲長  
叙樂志淵明戀田園曩哲存逸軌微尚斯可敦

上巡撫侍郎王公述德抒情之作

聖聖繼承休養寬兩間磅礴氣厚完川岳孕結鬱以蟠

冥漠禋祀格郊壇玉衡星精芒色寒篤生巨人起辰韓  
風儀秀整卓犖觀鯨鐘鏗旬鼉鼓齎宜温寬粟無煩偏  
九德三事皆有焉早許弼亮任仔肩奕葉蟬冕映貂冠  
連苞朱鳳夾紫鸞維昔太歲在大淵有物跳踉若野犴  
天子赫怒奮除殘臥榻側豈他人豢三十萬衆出白  
檀組練耀日山谷漫師不宿糧軍資單萬里饋餉其人  
難公乃獻此寸心丹慷慨陛辭上據鞍斷厓千仞澗百  
盤出天入井常懸絙糧料飛輓挿羽翰馬騰于槽士傳  
餐天戈遂此斬樓蘭聚米成圖智慮殫功勞謀議激  
忠肝下 敕褒美咨嗟歎畿南山左肘掖間滄溟東滙

黃河環誰予鎖鑰此門關念公舊勲置崇班秩長御史

紺寒亭詩集

卷七

元

貳六官通犀節斧建旌竿前行誕馬朱纓繁入境翁媪  
俠轂看公餘燕坐鈴閣閒下令流水判如山賓僚參佐  
戒欺謾吏無毛鷺無滅姦民無媮惰無梗頑軍無罷懦  
無囂喧闕疎節目不索癢推誠人不挾術鑽有不中治  
紀法于小者誚訶大奏彈棘矢發必中剛瘴調劑文武  
和醎酸邊鄙不聳散小團六郡無事厝於磬無風魚災  
不早乾年穀成熟龐朴還風厲人士爭磨研經經緯史  
使漁佃督課親爲別媼妍高秋勁翮皆騰騫 聖主遊  
豫鳴和鑿觀者拜俯頭如鼉上言公仁及寡鰥淪泆肌  
髓萬口傳請上太常史館編公拜稽首 天顏懼公如  
霜前蠹琅玕直節挺勁冷翠攢景星含譽甘露溥觸邪

解鷹仁角端天以福祐此元元公悉機務朝儀嫺將管  
喉唇密勿專天下大器公搏掬不但齊安天下安五瑞  
直執上公獻劔履上殿玉佩珊朱戶彤弓九錫頌天壽  
平格眷未闌如日方升月上弦崧高維岳生大賢公卿  
爭進岡陵篇鯁生承之一彈丸警諸匠者操朽鏝盡瘁  
其敢心力慳浚治溝洫繕城垣桑棗麻麥田塍連緩用  
極楚禮教先抱咫尺義舍豆簞霧雨思養文豹斑培風  
豈志扶搖搏華不注峰立噴吮珍珠約突流潺湲公清  
可挹高難攀仰公勲德故不刊旂常鐘鼎日月懸大書  
深刻寧敝剝雕琢曼辭備筆刪勺水何足添波瀾鋪張  
盛美播人寰永永無極億萬年

湘寒亭詩集

卷七

三

又奉呈二首

代

功名夙昔著忠勞付托宗臣八柄操劈正斧開蒼玉重  
觸邪冠蠹惠文高雲蒸泰岱爲霖雨日上蓬萊壓海濤  
龍馬精神長作鎮寶筵春色映仙桃  
羽葆牙旗出 尚方撫綏齊魯舊封疆典司邦政資文  
武總領臺端肅紀綱朝論相公宗社繫輿情僕射父兄  
行末僚未敢承顏色特爲軍民介一觴

送同寅鄆城施因周以才能調繁新秦

名德重光世所稱下交未厭我無能芳鄰正喜依脣齒  
行省其如仗股肱君子澤隨涉瀆遠丈人峯看日輪昇  
郎官漸近天垣去拙宦何人示準繩

曉寒

今日寒威異昨朝霜風撲面刮如刀  
暄涼傾刻能移換  
幸未春深撇緼袍

再渡汶水遇大風

水勢迎如鬪風聲怒更囂  
撼厓能拔樹捲浪欲無橋  
軀命卑官賤年華險地銷  
苦遭塵網束無計返漁樵

題元人畫出獵圖二絕句

飛放連旬雪滿天  
鴛鴦水灤鷓鴣泉  
從官一色駝尼紫  
好似宮中詐馬筵

逐驪縱馬下平坡  
橫射豪豬好製鞞  
後隊笑聲喧動地  
官家親落一頭鷲

紺寒亭詩集

卷七

三

與城武驛縣桐崖禮齋二弟叙話

清尊密坐話纏綿  
不是淄澠派別懸  
琴鶴清風家法近  
龜鳧勝地國恩偏  
眼中人看憐吾老  
世上名應讓汝賢  
剩有瘦寒詩句在  
連珠倘許共流傳

合肥相公輓詞三首

名世昌期出天生  
佐太平白麻方壯歲  
黃髮再持衡  
旣以忠貞篤還資孝治成

公居喪有白燕來巢之異

普天驚怪事  
泰岱

一峯傾

四海蒼生望天胡  
不慙遺遠聞  
皆巷哭異數  
輟朝儀  
哀死榮生典清忠  
粹德碑千秋  
公議協不但  
九重知

公餘惟好士  
詩酒盍朋簪  
吳彥收曾及

公與湯西厓編修數東南文學



之士俞湘纍痛幾沉席次垂閨辛未壬申間事蹉倅久之西州不禁淚房  
首及焉相最知音爲是摧殘後銜恩入骨深

傳姜西溟編修信

先生垂白甬江東翻爲逢時致此窮環寶宜爲天下惜  
文章眞與古人同不應列傳韓非共未必邪謀李白通  
自昔儒林蒙詬有莫將苛律責詩翁

正月二十八日至省會次月三日乃得出郭門

城市塵埃漲冠簪揖拜過出郊晴日在遙嶺白雲多井  
汲無修綆風林借靜柯琴堂許臥理已算樂巖阿

平陰道中

逕轉山腰入望賒村莊點染也繁華東風催起三眠柳

紉寒亭詩集

卷七

三

門巷家家護碧紗

問訊衙齋牡丹

客秋乞得數枝新穀雨看看隔兩旬醞釀天香還待我  
朝來上到幾分春

代友贈別

燕臺別酒對遙岑君向秦川我鬱林青草湖邊飛畫鷁  
白花原上返羈禽一牕曙色銷銀蠟萬里愁心寄玉琴  
他日同歸霄漢近年華幸未二毛侵

梧桐究地絕少宿土山集民家見一樹深秋密葉  
猶惹蒨婆娑其下得流字

洒掃庭宇淨藏茲小景幽猶留一樹碧不覺萬峰秋到

枕疎蟬引當檐白月流吟懷正徙倚別汝五更頭

濟寧守吳岸青索竹臂閣寄一枚詩以代簡

微物一毛輶曾因折簡求削成同玉版送去助銀鈎未  
比魚須美無煩鹿角酌蕭齋虛設此名士必相投

未便

漁樵合傍水雲邊禽鹿纓簪性未便浙米矛頭難得飽  
負芒背上不成眠歸耕栗里寧由已燒券田文無此賢  
花發訟堂乘暇日研覃杜集補錢箋

總督河道尚書于公輓詞

膽智韓公決蒐羅祐甫寬封章皆報可許國不辭難鎮  
撫民安堵軍儲士飽餐忠勞有遺恨二瀆未廻瀾

斜寒亭詩集

卷七

三

林霏

單車又此出郊圻雲漏朝暉上翠微山氣忽蒸五斗黍  
林霏盡著六銖衣鶴翻別渚衝人去牛認遙村帶犢歸  
行野漸教幽趣熟怪來詩格近王韋

署中隙地兩席許課藝蔬本內子性所諳也滌治  
灌溉遂得蕃盛用薦釜鬻甘芬澱齒與薄宦况味  
稱且爲異日歸田計也得詩二首

種瓜聞故侯灌園有仲子彼皆遺世榮而我忝祿仕粗  
亦給廚傳顧反厭羹菹茹淹可藏匏蔔淡彌旨欄霑  
得隙地延衰僅容几春陽一布濩發生乃其理採掇及  
芳鮮何必求諸市修治佐脫粟脣齒有餘美敢辭爲圃

陋聊謝肉食鄙

山妻習勞動作苦性所耐官齋不事事翻致筋骸憊夕  
露荷勑耘晨曦抱甕漑爨婢供使令不以給力代人覓  
敷紫茸晚崧擎翠葢可口秋瓜良煖鬲白薤最日用計  
所須頗謂百物備曾聞鹿門山怡然共畝澮我本淡素  
人敢以食祿怵相攜歸田園曩哲逸軌在

土城內外壕皆宜藕自余涖斯土課種殆徧初日  
晚霞照灼如鋪綺繡暇則吟眺其間人風物序樂  
與邑人士共之也故述之於篇

吏人早衙散金風乍徂暑命駕稅東原還轅循枉渚朱  
華擢清波勁葉鳴秋雨翠羽風枝亞素鱗溪藻舞芳甸  
游目得靜景會心屢幸茲恊氣蒸秔稻或生穉黎庶臻  
豫康百卉亦蕃廡暫釋束帶煩對此野芳吐童豎咸馴  
擾余本海鷗侶一笛聞滄浪葦間有漁父方欲濯塵纓  
廻湍吾所取

聞鴈

蕭索頽雲黯不開一聲如訴客心哀疎槐葉下官衙冷  
慢送關山朔氣來

秋葵花

疎花嫩色比新鵝絡繹籬垣襯淺莎絕代容華知命薄  
斷腸詩句入秋多不堪黃裏淒其甚縱有丹心晚晚何  
人世遭逢無限恨孤根且莫怨蹉跎

再哭姜西溟編修二首

逆知後會少臨別暗傷神燈火生前話鬢眉地下人  
囊裝餘匣草旅櫬缺溪蘋夢寐寒宵屢詩篇復細論  
才高矜越衆禍酷亦非常未及沉湘水無緣到夜郎  
幽泉抱孤憤謗談奪光芒清製難磨滅千秋共痛傷

暮抵紙房

蹴蹋凌兢赴急程  
崢嶸歲暮晚新晴  
漸看孤鳥雲中沒  
且喜層巒雪後明  
驛路經年息足少  
仕途今日折腰輕  
愧他石畔蒼松樹  
獨抱高寒不世情

濟寧道家大叅公與制府議不合投劾歸賦詩二

首送其行

紺寒亭詩集

卷七

三五

河渠底積有成書  
轉漕去頻年足國儲  
仗節臣門清似

水歸裝家具少于車  
金隄襟帶忠勞在  
袞繡衣裳涕淚餘  
念舊賜環知不遠  
未容高臥月張盧

憲府旌麾汶泗邊  
得穿鈴閣奉周旋  
追尋清獻淵源合  
濶畧尊卑禮數蠲  
月旦何應來異議  
參商自昔在名賢  
中朝當有平衡者  
歎息鰈生失一天

乘夜渡汶水投宿

林杪遙浮水氣白  
波間又見月輪生  
不嫌風景侵人冷  
直覺形神對此清  
久客尚迷津渡處  
亂流但信馬蹄行  
歇鞍燈火前村遠  
愛聽溪灣牧笛聲

自述四首

庚辰冬

爲方五十小如莊滿目沮洳官舍荒養豹文時宜霧雨  
是驚棲處卽朝陽白渠水治修農作魯泮宮成譜樂章  
三載敢云臣職舉 聖恩取次荅毫芒  
詭激旣嫌與物異波流亦未逐人同地寒絕少金銀氣  
厨儉新添杞菊叢清濁之間師密令介通不足定徐公  
無須標榜邀聲譽自在軍民萬口中

書生故習未全除自道如人便不如吏以廉名知宦拙  
治兼儒術是才疎論功競笑遼東豕量力能隨北海魚  
喬木高遷吾豈望孳枝聊爾寄巢居

稅辦蒲鞭不用撻訟堂無事早休衙庭留古樹賢人宅

官署傳是田真故宅郭繞清芬君子花

城內外蒙余皆課栽蓮

紺寒亭詩集

卷七

三

藝吾嘗同屬草勸耕民喜獻嘉瓜他時邑乘煩添入只  
此風流畧可誇

出郭

過雨肩輿出郭便遙空無際蔚藍天杏林蒸煖浮紅暈  
柳陌餘寒曳碧烟韶景正逢三月好風懷未減十年前  
還因事簡民和樂常得尋芳野水邊

見梨花有感

玉雪風姿迥秀林盈盈壓樹不勝任月明冷豔浮空動  
雨重新枝帶綠沉江北江南常歲見花開花謝又春深  
三年客裏逢寒食對此茫茫百感侵

歌者

涼州水調教新成珠串歌喉鳳尾笙漫道江南春事早  
此間臘盡已喧鶯

其二

肯因衰白負穠華底教紅妝隔絳紗不是廣平心似鐵  
祇緣閣筆待梅花

麥秋

麥秋天氣曉生寒蔭轉庭柯綠正團閉戶校書如勘獄  
空城出穫似無官漫誇小邑徵三異且汲新泉試六安  
自送督郵腰解帶連旬歲月若爲寬

門人郭子采深自涉上來喜而有述且以勗之

東望任城一水滄微茫雲樹動離思忽聞遠道驅車至  
緡寒亭詩集

卷七

七

恰值餘閑賜沐時入座笙簫非我事當年衣鉢愧人師  
書生淬礪千秋業傳說忠宣有退之

植槐

小庭可函印滌治平若砥乞栽得雙株岐作鹿角觚其  
一受生氣茸葉繁于薺卽此發生敏可以觀仁體滋培  
待甘霖灌溉宜清濟深碧張帷幔輕黃攢粟米涼動風  
蟬響淨看月露洗召伯曾聽訟尼父云習禮一木豈足  
錄蓋在建豎偉古人歎嘉樹學殖斯爲美

野人餽鱉此地甚少三年中僅得之

池鮮雙柳貫野獻一芹微樽俎羞焉小孳生地所稀百  
錢薄俸損重肉素餐非娛老謀清供江鄉理釣磯

復孫隨其父南還追憶四韻

千里追隨至三年講讀餘老夫詩在口肅客座添渠母  
望心知切南歸我不如秋風一羽便可會寄家書

喜雨二首

早勢如焚禋祀求涉旬初見火雲收鶴知雨意摩清漢  
龍挾雷聲拔老湫敢以天行寬已責還將民隱迓神休  
寰中自有爲霖者百里粗分 聖主憂

試憑城牒俯郊垆高下田塍未了青禾茂歲將登大有  
水甜味欲比中泠驛書轉達觀風使解舍應名喜雨亭  
此是 皇仁孚冥漠興修禮樂緩兵刑

送鄉賢張龍弼主入祠

紺寒亭詩集

卷七

庚

瞽宗秋祀昔賢難論定于今久蓋棺人比顏淵黃叔度  
家稱曾子宋劉瓛粉榆社共追先友苜蓿盤曾屈小官  
樹此儒林坊表在高風能障百川瀾

秋山

繁麗春山忽變衰人情舒慘若爲移山容只是烟霞換  
山骨還應是舊時

河長口歌涼

疑是扁舟泛飄然一水亭湖心秋氣白雨脚晚嵐青葭  
笠藏漁浦煙波憶洞庭沙鷗吾羨汝日日浴前汀

再過再家廟僧舍

修林長薄護幽棲仙梵微微路不迷梧葉綠能涼夏簟

木瓜重巴比秋黎渴塵正欲依茶竈暑雨曾來印屐泥  
不是簿書期會迫何妨常過虎溪西

戢毛鷹狀類鳩夏秋間食樹上蟲生黃脂肥重不  
能飛江南珍之勝披綿雀定陶有之而人無知者  
或勸余採捕余弗忍以食味導殺機也以二絕句  
示意

吳庖待汝和酸醃那得嬉遊綠樹酣淳朴未雕機智淺  
土風似此勝江南

齋廚畧可斷腥葷割得花豬每不聞何忍貪饕憑口腹  
驚心又到羽毛羣

紺寒亭詩集

卷七

三九



緝寒亭詩集卷八

古今體詩八十七首

嘉定趙 俞著

牡丹圖詩

有序

芍藥見毛詩國風李唐開寶間始重牡丹亦名木芍藥自唐迄宋盛于洛下稱洛花今多產曹亳二州定陶與曹接壤土人亦有栽者花時園主每折枝見餉政暇亦單車抵其地坐玩移時故鄉朋舊致書來索或從便舟寄與數本然新花經宿易萎去則凌晨出抵暮歸不能頻數其移栽者根卷土易未知其能花否也成子其章通人工繪事自曹過訪余邀作圖拔其尤者成十二幅不能徧也并畧標識花之瓣色各

緝寒亭詩集

卷八

一

爲一詩以咏歎之偶一披圖則無時不花無地不花不假舟車而天香國色滴露迎風之態蒸雲涌霧之觀常在睂睫間矣吁洵可樂也昔周茂叔取蓮自况而於此花若貶損然者亦一時托寄所及耳學者不以辭害志可也同一富貴酣豢者溺於其中孤高者又逃於其外二者皆過自有道者處之窮達夸險一而已矣彼以此而喪其素履者非富貴累人人累之耳此花傑出羣卉照耀熙春不煩雕飾天然繁富以之發皇宇宙黼黻太平富貴庸何傷而顧少之與余城壕旣種蓮圍繞四郭而又常對此圖皆可以遇物陶情隨時適趣蓋未嘗區別視之也獨是宦三年矣

一琴一鶴外無長物而水土物力精英所聚收拾箇  
篋捆載以行邦人大夫致怨盡取於我將何辭謝之  
康熙壬午孟夏二日紺寒亭主人漫題

支家紅

色深紅瓣間常濕潤  
欲滴如臙脂著雨

如酥細雨濕紅藍浮動花光得酒酣可以晚妝新浴罷  
比來摘上鳳頭簪

金玉錫

花最大純白如堆雪開  
滿有黃斑徧灑瓣心內

服食松花似屑霏朝衫不願賜牙緋梁家宰相陶弘景  
只作山人衣白衣

建紅

色正赤如蜀茶

南離正色赤如燒花史宜膺九錫褒

如玉缸金剪之屬

魏氏何

紺寒亭詩集

卷八

年偏擅寵上公却賜紫羅袍

近代多以金紫爲極品間  
色奪正人情易移相沿非

矣一日

綠玉

江南有一種含苞作微綠色放瓣卽成白花  
此則中邊皆豆綠亦類建蘭瓣色當心間有

杏紅一  
二點

被服輕華靜女姝仙家妝束內家無君看六幅羅裙上  
盡是湘江煙水鋪

金輪

嫩白上浮輕黃  
如鶯兒新出殼

羣芳環衛列鉤陳色配中央比聖人玉燭調和春長養  
看花人是太平民

丹竈流金

深紅色裏  
吐黃心

勾漏丹砂井已迷芙蓉此處石牀齊稚川爲此移家住

無復貪心鑄裏蹄

香玉 白花微帶古色如白暗白  
暗象牙也黑暗犀角也

本是豨膏一片凝漸如礬石露峻憎水銀皴蝕沉埋久  
玉盃千年出漢陵

墨紫映金 直作墨色似江南墨葵非  
深紫也吐黃心綴瓣內

分來鶯翅涵星密借得鴉翎作片勻學士當年承詔旨  
金花箋灑墨池春

第一嬌 紅色中最輕淡  
如晚霞映水看

不作猩紅血色濃畧施丹粉薄紗籠人情濃處還求淡  
欲撇深紅愛淺紅

銅雀春 粉紅色類瑤池春瑤池春  
微帶淺碧此微帶輕黃

紉寒亭詩集 卷八

三

臺殿煙蕪冷夕陽穠華猶憶倚新妝漳河日夜東流水  
常帶歌樓珠翠香

金帶圍 正紫色瓣腹有黃鬚作圍宋韓稚圭在揚  
州與徐鉉各簪一朶後相繼登宰執者是

也牡丹舊名木芍藥當  
日賞芍藥實即牡丹耳

名賢觴咏趁餘閑位望他年盡押班歎息斯人千載後  
空畱花木在人間

瑤池春 花淡紫又淡青  
光奕奕不定

碧纈牽牛紫紫藤風前縹緲六銖勝仙姝衣袂還能畫  
衣上雲霞畫不能

圖牡丹成卷而各莊芍藥盛開繁麗又過之述以

四絕句

名花婪尾試娉婷邀勒韶光滿一庭早向春風爭富貴  
此時只恐也飄零

斗大花園錦作堆竹亭再此對銜盃河陽縣裏花千種  
誰入詩人賦咏來

花船新送牡丹窠奈此嫣紅膩紫何山縣不勞重表獻  
天香見說上林多

穠粹驚人意也消丹青不教上生綃人間尤物多相妬  
未許同時有二喬

野望

不出未經旬郊原如許春花酣紅欲語溪活碧生鱗潑  
刺魚跳子綿蠻鳥喚人他鄉驚節序已是四回新

紺寒亭詩集

卷八

四

剪頭二首

剪頭初覆額人說小僮清燕雀看成長蜉蝣易死生韶  
齡委泥土愚豎贖葭萌已負王褒約應餘戀主情  
頻年宦海涉汝亦任馳驅管鑰收藏寄津梁扶掖須忽  
如雙鳥去不共一琴俱夢破依稀在風牕骨立癯

士人送海棠花一本三色乃接枝所成花前得二

律

五尺新花短及脣維英巧手化工移昌州有種香難辨  
杜老無詩句贈誰酒暈淺深妝別樣春紅遲早命差池  
主人護惜同珍重各爲花神勸一卮

每到花時老眼明况逢殊色各傾城趙家姊恨連枝少

號國姨應竝蒂爭盡欲撩人破葢早誰先結子落紅輕  
卜鄰爲近三荆樹可比同根一氣榮

署中有田  
氏紫荆

再得二首

瓊華瓊玖瓊英重瓊赤玉也璀璨何緣到使君花氣庭陰疑  
百和春光鼎足許三分魂銷蜥蜴誰先褪生寄螟蛉齊  
有勳曉霧氤氳未子細浪猜一朵是紅雲

蜀川西府有奇姿二妙交花左右之骨榦擊能伸屈鐵  
腰肢弱欲裊晴絲靈同玉殿三芝秀瑞比漁陽麥五岐  
聽訟餘閒常小憇他年可繫土人思

途次得汀字

耕犁農事及煙樹晝冥冥山雨欲來白田塍未了青林  
紺寒亭詩集

卷八

五

聲禽啄木水霽月生汀萬慮消融盡孤懷入杳冥

偕諸生城壕看荷

雨脚初收日下春蓮塘澹已帶秋容蒼顏白髮看翁醉  
斷岍清江有客從判得閑身狎鷗鷺愧無秀句比芙蓉  
明年對此還相憶踏雪飛鴻不定踪

將解邑組述己意二首

抗懷千載古人師入仕常從退食思居養未殊蓬戶日  
擔當恐負秀才時存心利物名還避直道持躬咎不辭  
淺薄自慚成小草力能及處畧施爲

倦遊日日整歸鞍素飽卑棲尚未安縱有鷓鴣尋舊侶  
敢希鷓鴣下前灘裝輕未覺官爲累身任方知退亦難

料檢挂帆冰泮後山塘二月買春蘭

十二歸詩

宦遊誰憶故山薇多爲津途有禍機此地哥哥行也得  
不緣林鳥喚人歸

齒髮初衰血氣微玉門生入國恩稀京朝多少麗眉  
叟讓我逍遙晝錦歸

抽簪此日遂初衣莫道官卑易決機宦海名心今更重  
也應抵得二疏歸

休待嚴冬雨雪霏天南猶隔萬山圍夢魂不落輕帆後  
夜夜溪亭一度歸

朝衫金紫更牙緋七十懸車此事違自昔乞身強健少  
紺寒亭詩集

我今猶算少年歸

卷八

六

十月風高木葉飛四年前著舊征衣只因馬首攀畱處  
染得千人涕淚歸

我友東江契合微

唐實君  
考功

清詩宮徵叶金徽檐花細雨

聯吟好不是斯人誰與歸

辭官不復受人鞿壯子持門十口依慟哭著簪今不見  
當年同出不同歸

倘列清班入禁闈不材也可奉恩輝燕山高峻蘆溝險  
難得康莊似此歸

千竿桂竹水環扉四壁圖書可樂饑營得菟裘方退老  
每緣此誤不能歸

衙齋靜得弄晴暉民樂安閑吏惕威猶恐官程妨日課  
餘年乞假讀書歸  
資裝曾不爲官肥行牒風輕水上飛載石沉淵我尚愧  
牡丹移得幾株歸

節孝詩爲馬貞脩祖母李氏作

有序

李氏士族女性溫惠夫馬大用歿歿李年二十有一  
子士俊方在襁褓李誓以身殉舅姑守護論以保孤  
乃勉從夜有劇盜掠其莊舅姑皆就繫縛且加害家  
衆走匿李冒白刃以身翼蔽哀籲祈免辭旨酸楚賊  
義其請釋之明季邑被兵其舅創甚李裂裳裹之傅  
以良藥尋愈躬紡績手爲生厖事姑曹繼姑王始終  
紺寒亭詩集

卷八

七

克盡禮門庭肅穆宗黨咸敬憚焉課士俊勉以先志  
爲上舍生又蚤卒課孫貞脩能世其學亦餼于庠李  
年八十有四以壽終今表其門曰孝貞完德

永夜瑤琴竝坐彈忽驚別鶴半摧殘成仁取義一生畢  
養老存孤二者難此日未亡忍死待惟誠所格轉危安  
清芬不啻共姜節直比儒修百行完

劉子東湖自江陵來訪定陶官舍東湖尊人耐菴

師令宜興時余鄉薦出其門官署晉謁欵接踰  
常分後師自雅州返葬遠弗能會哭晤東湖泫  
然久之枕上作此歌不復知劇疾之在體也

憶昔相聚神仙窟溪山四映衙齋發我師卓犖包閩關

郎君清濯冰壺月，鏃礪名行不媿阿。吟眺風流許跳脫，  
到今惘惘踰二紀。情緒明滅魂夢底，老鶴聞已返華表。  
峽口雲濤送萬里，幻境蜃氣噓成樓。我被連染南冠囚，  
十年幸得出駭浪。一官隨覺同浮漚，忽傳名紙叩客館。  
遺我駝尼及火浣師門囚，郎珍重投豈知我已列閑散。  
况是宛轉就牀褥，疽發于背覆一枕。氣息才屬不能言，  
兒肅衣冠代申歎。舊事零落亂雲煙，悽惻肝脾百感纏。  
便欲放聲發狂叫，老淚迸出奔厓泉。山妻剝薦治饌具，  
粗爲行者辦餼牽。丈夫感恩重意氣，流俗區區但金錢。  
投桃報李校羸縮，咫尺之義弗取焉。彼此微尚各有會，  
銀河瀉地星滿天。鷄鳴戒塗分手去，馬蹄走蹋天街磚。  
紂寒亭詩集

卷八

八

作此長歌撼胸臆，且喜沉疴已就痊。

扶掖庭中小坐

自我病初作石櫛，如山查今看椒子。熟絳粒攢丹砂羣，  
卉入秋氣向實斂。其華沉疴倘失療，一蹊皆空花兩目。  
今辨此吾猶爲人，耶計日渡揚子。片帆拖江霞，天憐我  
衰老許食故園瓜。事乃過所期，攬物一驚嗟。

將南還畱別邑中耆舊四首

棲可鷓鴣借風傳，蟋蟀遺土人性嗇。淡隨所性便，僻與不才

宜麤糲。忘官在憂勞，若已私常將勤儉補。聊解素餐嗤

不善虛名飾，施爲一樸忠。先時旱潦備，仿古禮文崇。民

喜煩苛滌神如響，答通祈晴雨皆立應。試看承乏後，何歲不年



豐

筑獨須臾活衣冠歲月支事殊發粟賚恩特軫民饑矯  
詔今能否屯膏我豈爲老成排衆議當日破羣疑  
非緣憑藉在輿誦赫然新勢去交情見時移物論真素  
衣知不染舊學未全貧豈敢將縑比芳規有後人

與邑中同志預訂看花社

官舍作

靖節辭彭澤耻爲督郵下此老負倔彊塊壘故未化我  
乃異前軌甘以衰老罷歸與高閑人共結尋花社菊放  
及深秋蘭馨當初夏不問花主誰芳時片席借豆棚絡  
緯垣未礙檐低亞脯鮓攜所有偏提出新榨雅興取微  
酣無致使酒罵舴舢溯迴塘雙檣乘月夜煙景易蹉跎  
紺寒亭詩集

卷八

九

花開花又謝今者城壕蓮浮香徹官舍經旬一出遊那  
得暑巾卸豈若脫繫縛老境如啖蔗先此申尺素遄歸  
行稅駕

甲申人日約諸子村莊看梅以詩代柬憶丁丑人

日曾有此集今七載矣

二首

人日題詩歲七更草堂今雨又尋盟宅邊柳色添新綠  
雪後梅花依舊清世味何如鄉味美朋情轉覺宦情輕  
校前况是春晴好滿耳嚶鳴喚友聲

不但離羣別緒長停雲意思入微茫新詩冰雪誰同賞  
對酒風花有底忙卓犖才名天下士老成規格丈人行  
論文未厭過從數藁桂秋深待晚香

送徐漢衡之任嶧縣二首

我黨千秋皆自命，君才十倍應時須。朝家付託親民重，吏道紛紜正氣孤。所解全牛知導窾，不煩老馬閱前途。政成不久登華要，鄉友同班二大夫。

謂松坪方賡

一按圖經，典故飛千溪，交絡萬峯圍。客程水月拖，銀練官署煙霞坐。翠微名士風流今，雅稱真仙窟。宅世應稀，相思雪夜還相訪，可許扁舟剡曲歸。

邑令王震來明府，欲過村莊看牡丹。以二律奉迓，漫叟幽棲在澗阿。達官逸興訪煙蘿，經句敢托修琴出。好事多應載酒過，霄壤升沉還結社。水雲安樂未成窩，名花尚可邀題咏。曹濮移歸有幾窠。

紺寒亭詩集

卷八

十

苔堦故土護新芽，春上枝頭未吐花。篋舫筍輿枉重客，傾銀注玉愧豪家。輞川野趣殊瀟灑，上苑天香亦僭奢。豈但光輝到蓬葦，隨車潤已徧桑麻。

元宵聽北菴淨緣上人彈琴

爲厭卑喧避燈市，遠尋梅花到野寺。當檐瘦竹出老根，銀杏槎枒半枯死。古佛莓苔人闕寂，泠泠有聲穿牕紙。衲僧飄須長爪指，獨對閑雲奏流水。我生向抱幽憂疾，身纏坎壈氣結轆。廿年浪迹天涯客，詩酒強排排不得。一聞此聲，神骨冷大華峰頭坐。玉井冉冉虛無境，孤迥跨鶴吹笙度。緱嶺壘消磨渣滓融，百斛醍醐直灌頂。一鼓木落洞庭波，蕭疎鴈影瀟湘過。再鼓三鼓春蘓散。

羣品萬彙皆昭蘇調攝身心平血氣感召鬼神動天地  
此器乃古聖人製悱悱之德莫舉似昌黎筆力誠橫恣  
微類琵琶涉粗厲昔有蜜殊與琴聰師亦靜者精神通  
鉦鼓踟塵十丈起來聽此樂亦卧耳不是世少賞音人  
世上閑人能有幾

舍弟盆中種雜樹數本春暇無事各賦短章凡五

章

黃楊

花旣少芬芳實不中採掇膩潤如蒸栗肌理則光悅托  
根益盍間乃充几桼物後凋自本性夫豈忍死活遇閏  
小厄耳庶以免斬伐

紺寒亭詩集

卷八

十一

檜

虞山七星樹崢嶸各千尺何獨困束縛抑此干霄直然  
亦挾風雨鬢鬣奮騰擲鬱蟠鋪寒翠孤峰寄傲兀勢殆  
藐一切巨山只卷石

榆

上有天榆星天文歷歷見移栽僅一指蓋亦氣所變鑄  
錢匪汝能度亦未中選齊魯歲荐饑擣皮屑作麩存此  
渺小軀全生殊可羨

銀杏

名品配金柑

用周益公語

大可領珠許剪裁豈復有肴核何

以旅適口娛耳目義迺各有取秋老鴨脚黃硯頭亦飛

舞世多飲食人斯趣誰與語

迎春

乍隨衆芳萎乃先衆芳發標致尚妍美格韻在古拙皮膚鑿瘡痂根鬚變筋骨縮使就結構焉得避屈折繁英綴修柯籬落恐汨沒

永嘉行爲馬忠勤公作

公諱煨永嘉令殉節

櫂槍竟天光燭地咄咄東南何怪事賊臣蓄毒陰謀祕永嘉夜半笳鼓沸白刃揮霍腰領試模糊髑髏血沾漬閩越東甌聯指臂內軍外軍合聲勢一城恇擾無固志左右請公自爲計公怒手搥鐵如意頭髮上衝目裂皆同城文武伺便利公已隄防早自貳兵柄不屬賊帥奇

紺寒亭詩集

卷八

十二

欲控生馬無銜轡不能辦賊先賊備不能全城以城棄臣則孤恩臣職愧臣愚一死豈有二世受國恩官累世敢隕家聲先業墜冠帶從容致命遂隕首視同脫幘易生爲忠臣死爲厲日星河岳平生誓公炳鼎彝稱世瑞公子珪璋亦國噐陷賊不死蓋天賜事聞卹贈稽典制難蔭亦拜轉運使猶愍榮哀未備至特允所請排衆議專祠肖像予上謚十尺豐碑立巖巖大書深刻擘窠字直爲孤忠破格例嗟彼老詩吳王淠戚畹黨逆聞張垵一朝伏法身首異狼藉都市烏鳶飼兇渠湛族公錫類天道衷忠誅不義慶賞刑威天下治藩輔權尊壓羣吏入平軍國一以畀纘承不但名位貴飽飫德美如旣醉

常瞻廟貌餘涕淚

又題忠勤公祠

慷慨登陣事已難  
變生肘腋禍無端  
爲思身重君親重  
未必城完節義完  
牒下太常膺上謚  
銜加行省贈今官  
傳家清白存何物  
報國臣心一寸丹

浴日堂文讌同令君王明府舉人時期五國子生  
張漢昭二爲唐薇衡組珮秀才印彙吉陸紀雲

劉洙傳作二首

羣賢勝日盍朋簪  
特屈高軒過竹林  
適興醉翁不在酒  
閑居栗里併無琴  
雷連水木清華在  
咀味文章耐久尋  
騶從屏除忘夜永  
柴門相送已橫參

紺寒亭詩集

卷八

十三

陡起光芒象緯干  
扶輪大雅主騷壇  
春添滿縣花璀璨  
清映方池水紺寒  
立掃萬言倚馬就  
吟安一字寸心難  
追隨見獵徒心喜  
白顧衰頽敢據鞍

放舟東郭看桃李卽事二首

十載同匏繫茲晨  
放艇初風花翻爛  
慢水竹映清疎遂  
此林塘趣都從夢  
想餘遊人無復識  
我已混樵漁  
櫻筍芳時及鷺花  
樂事繁隣船姬盪  
漿席地容攜尊老  
遇懽塲怯狂仍逸  
興翻清明彈指過  
莫負此春暄

奇石行

二百緡錢買一宅  
水亭腹背皆奇石  
李公給諫舊山莊  
云是洞庭剡鑿得  
白雲氤氳出洞口  
蒼蘚晴明帶雨色

濯練可使詩骨秀孤迥不厭山峰仄一朝遘禍身亡遺  
債家搜牢似收帑排墻挾屋氣頗麤割其腹臆摘領珠  
謂汝寒乞正不須我家有客來京都貌得宜春上苑圖  
壑山堙谷費不惜刻翠雕香世所無鄙人村野忝葭苳  
靳此一卷亦非夫吁嗟榮悴盛衰勢不久梓澤平泉今  
在否不聞金仙漢闕辭不見銅駝荆棘走尤物自古召  
殃咎我今棄之直芻狗石有時泐人易朽忍以區區間  
親厚但願君家世世守慎勿再落他人手

自題觀泉小照

長松蹁躑如舞鶴古藤纏束垂瓔珞松根乳泉百道飛  
噴雪碎雷奔大壑山下出泉易有云水發高原迸空落  
紺寒亭詩集 卷八 十四

觸石喧虺勢拗怒鰲拚鯨鏗衆樂作元氣欲遏遏不得  
不是人力能疏鑿先生靜觀默有會海闊天空寄寥廓  
仕路抽身老釣緡太和肝肺盎生春眼底胸中無一事  
氣與水石相吐吞手中一卷冰雪文世上悠悠安足論  
君不見漢朝西蜀楊子雲當日祿位容貌豈動人

移居城莊言懷

松筠深處鎖荆扉迴首池亭十載違剩水殘山豪奪後  
攜琴挈鶴客遊歸無花釀蜜空房在哺子銜泥故壘依  
差勝浮沉宦海裏充西時事近全非

俦兄以他事入城快晤半旬作此索和

翻緣相累轉相親久闊情懷一日伸入座洒然風骨冷

出門突見月痕新除探書卷原無事如此塵勞亦可人  
便恐糾紛隨手釋屋梁顏色兩傷神

同汪又韓張苧巖二學博往盧曾唯家看秋蘭歸  
途苧巖畱飲卽事

壓座花叢大開軒竹屋虛香疑浮枕簟綠已染衣裙鄉  
味莼絲滑涼天鴈影疎芳時常得酒不負此閑居

次日曾唯折枝見贈答以四韻

探花餘興在清夢入秋懷遠餉馳銀鹿衰顏愧玉釵茶  
香分格韻硯北小安排六一今添一同收畫舫齋

中元日蘇園看荷花因懷亡友子木

墅看煙樹合舟入水天空花欲憑軒上人如落鏡中滄  
浪懷舊友彭澤已衰翁腸斷秋風裏明霞散綺紅

紺寒亭詩集

卷八

十五

王子樗園以余移居城莊枉贈佳什依韻奉酬

一官敝屣一囊輕隨處臨流好濯纓水墅愛看千个竹  
鄰莊心怯五言城扶笻差幸筋骸健報刺還愁禮數生  
敢附春風桃李盛忘形自有歲寒盟

再疊前韻

迴塘來往野航輕蓑笠衣裝脫組纓種秫田蕪原近郭  
賣碑文活暫依城浣花溪在堪娛老複壁人歸是再生  
秋夏讀書常在邑一年強半與齊盟

再疊前韻

砥節平生溫飽輕共期希古振塵纓兩畦韭亦誇千戶

萬卷書真比百城詩社互尋鹿柴呼去主經師同是兔園

生大材終恐爲時用未必枌榆久締盟枊園需次謁選

再疊前韻

虛堂涼動葛幃輕夢枕何緣到綬纓月沼一泓小似印  
秋香四合曩如城懶延熱客踰垣避便恐陳人入眼生  
候過重陽看刈稻南村別自赴宗盟向與寒宗兄弟訂尋樂社

補亭俸菴各次枊園韻見寄再步前韻答其意

飛鴻蹤跡印泥輕自笑行藏幾絕纓草莽臣寧溷市井  
風騷主久仗干城門多長者鄉音熟禮謝諸侯名紙生  
四子一堂同講德鷄壇不用割牲盟

將移居鄉莊再用前韻別諸子

紺寒亭詩集

卷八

十六

鉤金爲重一輿輕忍向頽波濯我纓逢世紛如淪苦海  
避人急欲突圍城孫知問栗堪攜弄婦命蒸梨也不生  
年老土思今且去棟花風後再尋盟

再以三首分贈枊園補亭俸菴仍步前韻

才人眼底五侯輕散髮披襟冠不纓狂醉欲擒采石月  
豪吟能撼岳陽城數間茅屋容高卧幾籠殘書不治生  
我是腐儒君達者提攜亦得作同盟右枊園

族望劉盧各不輕君家三世列簪纓畱遺舊有青箱業  
宣召行穿紫禁城芹藻同遊四紀遠糠粃前愧十年生  
林廬仰望清光切他日無忘戴笠盟右補亭辛丑與補亭同補博士弟子

今四十二年矣  
補亭少余十歲



公卿車騎到門輕豈得徵書便振纓筆爲魏收刪穢史  
情同鮑照賦蕪城

倅菴前應臺長李木菴先生聘館維揚修南北史

南豐類彙

今名世太僕荒江一老生時論錯將瑜亮竝比肩我實

愧姻盟

右倅菴

時用咸表母舅有和作再依前韻奉酬

龍馬精神杖屨輕手提塵尾拂長纓青蒲草舊畱烏府

玉筍班今出鹿城

期五出徐閣學之門

鄉國望知小許貴文章法

自老泉生問竒不厭過從數親串追隨兩世盟

奉輓大宗伯韓慕廬先生詩三章先生選戊辰房

書錄拙著最多面推挹過當辛未秋謁司寇師

申相國故第時方以師門事牽連對簿慷慨赴

紺寒亭詩集

卷八

十七

難司寇盛稱許先生在座感動亦爲灑泣語祕

無人知司寇薨逝恃先生左證而今已矣故未

章及焉

斯人間代作筆力發竒觀雲海天空闊乾坤氣厚完立

朝明志節予謚合文端自昔儒臣傳兼斯二者難

吳郡徵文獻尚書文定公風流傳播遠名位後先同似

此者英少非徒製作工三江連震澤靈異秀天東

品題海內重風義士林欽鉛槧咨嗟久癡瘼涕淚深微

忱付冥漠遺老又銷沉日月常懸照千秋知己心

東海詩

吾師尚書公元氣所包絡剛大塞天地指揮動山岳歷

陟喉脣司重茲心膂托鈞軸預機要冊府領著作密殿  
承顧問延賓廣酬醉家事皆靜治公度素闔略名世得  
姚宋內助亦鍾郝女宗夙有聞德配賢相若上則順尊  
章下以撫稚弱珩璜饋問須筐筥執事恪儼如國政肅  
儉惟律躬約噐識既閱邃文史尤淹博推獎俊又升抵  
排道術駁退朝乘燕閑正論資商確箴魯論勞逸續漢  
昭嫩惡偉人挺間氣當代稱先覺振飭頽紀綱興復古  
禮樂忠勲丹青肖事業雲霄薄明穆在廟堂唱隨贊幃  
幄豈比工組紉粗能治羹臠謝傅辭東山司馬歸西洛  
景物更冲融門庭增式廓繞膝有五龍摩天盡一鶚日  
下久徊翔淵中乍騰躍陶鎔如鑄顏琬琰出琢璞晉卿  
紂寒亭詩集

卷八

六

弘靖貴人文未卓犖敬姜憲英賢家風但龐朴盛事今  
所傳前編亦不數慶開壽母筵班首命婦爵乳酒富清  
淮銀鑑照碧落四座客垂魚十洲仙駕鶴曆算不思議  
衢樽任斟酌舊勲彙鼎光新命絲綸渥曩者網羅收悉  
此省臺擢頭角奮崢嶸篇翰恣揚摧我觸檻穽機未中  
巖廊桷師言默有契朝論謂無忤今獻躋堂觥尚歎銜  
環雀

乙酉人日邀諸子魚菱莊看梅兼賞鑿書畫卷冊

鄙人于世味泊然寡所嗜法書及名畫事乃出六藝如  
人溺聲色性命蓋不啻先世舊畱遺零落存一二年  
湖海遊賢雋皆命世興酣詩酒場涉筆一遊戲波磔生

動姿樹石磊落勢晦冥雲雷奔雄豪近放肆絹素紛填  
委勝以璧馬饋作吏治官書不爲稠濁廢公退衙齋閒  
皮閣同清閱未遇賞心友幽懷失暢遂光怪終發洩豈  
敢自矜貴春煖花飛翻香清沁肝肺羣賢少長殊後先  
期畢至偕此淡蕩人領略煙光媚風前散卷帙花氣添  
穠粹疏密隨結撰濃淡看布置神明出孤迥肌理入細  
膩四座寂無言觀者得精意貧不任豐饌亦足充珍異  
側聞長安道高位有顛躓年年草堂中人日成故事不  
能遣騎迎預此郵筒寄芳辰勝友集茲會良不易

送酒詩

王子禱園患腳氣以酒解其  
岑寂并作詩申意得十二韻

賓客蠲苛禮筋骸小不仁愁霖卑濕中衰髻病魔新脆

紺寒亭詩集

卷八

晚須扶掖與居滯屈伸貧偏逢儉歲涼漸入蕭辰覓友  
宜歡伯知君本恨人醞隨謀得婦饋未乞諸鄰能使襟  
期暢還添詩句醇園英攜問菊湖味佐羹菹洪飲原無  
敵除疴最有神行看奔馬及功勝異蛇珍掃徑蒼苔淨  
虛齋燈火親簡編常共對剝啄不嫌煩

放歌行

前詩意有未  
盡又有此作

名士不飲酒何異驪龍脫頷珠驪龍脫頷珠豈能騰颺  
雲霧升天衢名士不飲酒豈能噴薄拄肚撐腸萬卷書  
我友樛園先生卓犖士筆端碧海掣鯨魚天旣付與萬  
卷書却使貧病家無僭石儲詩懷抑鬱詩腸枯我性不  
飲一豎儒青州從事無所須命兩役夫昇之趨滿眼卑

簡不用沽夏秋霖潦災東吳便恐思風言泉沸涌發倒  
灌三江翻五湖嗟乎先生少壯負氣老未除何妨使酒  
罵座如灌夫男兒眼光牛背上肯作局趣轅下駒吾愛  
先生才力放亦愛先生膽氣龕人之所棄吾所取嗚呼  
求之斯世斯人無

和汪又韓學博白秋海棠詩

海外仙姿自客槎冷然天骨洗鉛華春紅從此無顏色  
秋意今歸小草花簾幙隔疑風蝶舞釵梁摘押髻鴉斜  
主人珠玉揮毫就不用羅虬九錫加

又爲賦衙齋小景四絕句

淪茗賦新詩圍碁賭酒卮隨方皆適可但未合時宜

紺寒亭詩集

卷八

三

右宜亭

登眺供吟賞藍田華子岡風光邀勒住不放過鄰墻  
右屏山

秋氣驚先到森森萬綠新只愁骨法換未便對時人  
右竹塲

平生負志節萬里立奇功多少英雄老消沉種菜中  
右菜園

靖逆侯二首

介圭入覲躬桓重錫土分封帶礪垂兩戒河山勞整頓  
一門忠孝繫安危風生細柳聞清角日出扶桑照大旗  
半壁東南長作鎮 皇家同立萬年基

彤弓盧天荷天休肺附宗臣器業優盡道勲名齊李郭  
若論文譽失應劉園林插架書連屋賓佐傳觴月滿樓  
諸葛武侯羊太傅無人得似此風流

小軒臨方池上王子樗園欲顏之曰舫齋貽詩二  
十韻過涉矜衒且以襲古爲嫌別取四更山吐月  
之景更之曰水明軒以四韻荅其意

遂此煩襟滌還因幽意偏潭空先受月牕小可容天獨  
坐琴書冷終宵水鏡懸歐名吾敢襲杜句若爲傳

摘茉莉花朵貽曙暉堂補拙齋兩主人各以秋蘭  
鉞枝見荅作小詩記之

露浥珠連琲風抽玉幾藜只因臭味近常得有無通嘉

紆寒亭詩集

卷八

二五

貺一芹足芳鄰萬鎰同四時花信發各莫惜筠籠

時用咸先生以詩索拙集推許過當依韻酬荅

歸田逸興寄魚罾不覺詩篇卷帙增敢借康瓠同寶鼎  
誤蒙片石取韓陵先生獎譽忘前輩君子阿私自一朋  
贈句光輝蓬華甚虛堂蔚若曉霞蒸

送張樸村應省試

作者登壇我所師致身前此恨差池風雲奮迅蛟龍勢  
巖谷埋藏熊豹姿 聖代起衰須復古名場決勝在于  
奇主司必遇歐陽子對策南豐更不疑

送陸紀雲應省試

靜裏能探義理根才情腕下欲飛翻一天星斗樞旋轉

萬里江河氣吐吞形勝金陵觀上國風流吳郡壓中原  
子雲亦有長揚賦科目朝家制舉尊

送外甥孫民書應省試

文章元氣自推移慘淡經營亦強爲絕妙辭從偶得句  
出人意每未經思賢甥似我真英物老子逢場記往時  
用力常如不用力丹頭休教外人知

郡伯吳公擎一生日余令定陶時公以青州司馬  
攝行兗郡事故有次章之云

循良漢代吳公最風雅蘇州刺史稱遠紹前賢知政美  
近傳輿誦已歡騰東南千里爲霖雨大小諸侯奉準繩  
琴鶴蕭閑鈴閣靜聯吟常許接賓朋

紺寒亭詩集

卷八

三

其二

曾署頭銜手板參拜庭每喜霽威嚴官今畫戟朱轡重  
地是襟江帶海兼騎竹有人迎郭伋問花送酒及陶潛  
欣逢惟岳生申日又此巖巖泰岱瞻

侯鳳阿屬友寫照畧做歐陽文忠公意名六一圖  
旁侍麗姝風致亦非人世有也名流題咏甚富余  
病懶久未就積雨坐水明軒見微風蹙水紋作魚  
鱗狀意有所觸走筆成之以謝諾責凡十二韻

鳳阿謫仙人面若胡粉傅近挹霜潭清遠驚嶺月吐兀  
坐片席間風雅自流露楸梧寒雨翻巖岫白雲駐寂歷  
發高醅托寄殊淡素潤借書卷腴興得琴尊助曩哲以

自豪茲晨則已具西園圖家姬亦列賓朋數非溺溫柔  
鄉爲帶煙霞趣廣平賦梅花會心不在樹芙蓉映初日  
詩格殆自喻先生漫解嘲此意亦無惡

丙戌人日舉淡成社以詩代簡

歲歲探梅出郭偏今年人日往來便少城舊有花谿宅  
剡曲無煩雪夜船陪醉能勝五合酒賣文贏得一緡錢  
翻嫌魚麥村莊遠冷落寒香野水邊

其二

曉晴定爲破輕陰早覺春和應玉琴泥飲豈須尹在口  
飛花莫爲候驚心風光閑得人間樂雲物祥知歲不侵  
白社醉吟乘暇好翠華指日又南臨

紺寒亭詩集

卷八

三

作前二詩時方晴煖至期雪甚又有此作

臘雪曾聞兆歲登却于此日煽威稜未妨吟眺酬佳節  
便恐陰晴協庶徵盡豁雲霾天有意助宣陽氣我無能  
娛賓且共杯中物莫漫憂時學杜陵

雨中用咸先生見招以肩輿來迓雨驟如注不能  
赴作詩道謝用前二首韻

比郭南城兩地偏衝泥未得盍簪便邀賓沾濕難騎馬  
嗔我扶攜不上船金谷罰辭百釀酒兜輿枉費五銖錢  
悠然落月停雲意恍隔蓬壺闌苑邊

其二

十日韶光五日陰常違賭酒共彈琴孔融舉座皆名士

彭澤歸田有素心舊雨不來吁可怪新春如此亦爲禔  
尋梅畧待晴明色蠟屐城坳試一臨

雪久不霽不能登眺再用徵字韻

丹樓野望苦難登撲面飛花六出稜銀玉鋪張體有禁  
麥禾豐稔語無徵縱教凍解爲霖否更比霜嚴殺物能  
日氣尚沉風力盛連朝且受汝馮陵

題吳荻洲抱琴訪友圖二首

紗縠輕衫岸不巾尋詩遠蹋野塘春眉間帶有烟霞氣  
知是蒙泉社裏人

把臂相將共入林先生酒癖我書淫攜琴莫向天涯去  
四海何人是賞音

紺寒亭詩集

卷八

十四

題王西亭給諫抱膝圖二首

退老王官豈所宜斯人天下繫安危畫圖猶露峻嶒骨  
想見延英伏閣時

度閣牙籤萬軸餘高懷便欲混樵漁宣公奏議流傳早  
自到忠州不著書

又爲題煙江圖二首

碧水黏天釣艇安千崖秋氣落風湍老楓屈鐵橫江出  
寫出臣心一寸丹

節概平生慕志完驚瀧曾歷惡溪灘一丘一壑奈休矣  
那比江天萬里觀

送申子遜之官南康



巖疆特爲簡才賢嶺嶠風煙百越連祖帳時迎冠蓋使  
官廚例缺俸薪錢臣心無事常如水民氣同春得所天  
地煖定知梅信早聞香應在驛程先

樗園有懷松坪學士兼贈令子若望之作意有所  
感輒得二首

冊府羣材讓汝能將雛漸亦試飛騰官兼宰相神仙樂  
子以文章器識稱課讀預分藜杖火清銜仍合玉堂水  
通家更有殷勤語不但科名著作承

往事追思百感生君家世篤是忠貞一代邊臣繫  
功罪千秋國史爭載筆正乘文獻足修書及聖明  
成從容別殿承清問可否披陳涕淚橫

緝寒亭詩集

卷八

五

餽魚

不給於鮮久未嘗鄰廚損惠我何當池亭水月知人意  
添送荷風一味涼

張甥實夫以畫扇及家藏定窰水中丞見遺余志  
其父南松先生墓故也以詩酬其意

百匹燈籠錦千金馬轡鞍古收人事有昌黎有收王用  
韓弘人事謝狀  
今見物情難瓷盃荒林出秋山落水看何當承報荅轉

覺愧衰殘

用千錢購夏蘭一缸有述

閩海千山隔湘江百嶂寬相思如遠客對此願休官到  
枕香穠粹分泉井冽寒閑來自抱甕每爲廢晨餐

栽荷

莊宅魚菱就林塘蟬雀棲疎花依水檻畫舫憶湖隄風  
月供吾賞琴尊任客攜孤芳愛者少敢便比濂溪

盆蘭止發一穗士友多折枝見貽遂得兩餅短章  
道謝

珍比珊瑚樹分從金剪刀手栽病懶廢枝折愧賢勞娟  
秀藏燕玉風情激楚騷荷亭避暑處倍覺水雲高

世忠堂西軒看蘭花卽席酬主人

入門香霧裊花氣一庭浮勝賞羣賢集清言五字酬無  
須下酒物此亦釣詩鈞河朔稱高會當筵有此不

秋暑戲爲拗體東樗園補亭

緝寒亭詩集

卷八

三

雷不作雨雲成虹漫膚多汗無清風龍鍾人已齒九老  
牛喘身幸非三公草市味偶得江鱸豈棚鳴忽聞秋蟲  
先生湖海我丘壑此意未知同不同

秋興東淡成社諸子

林篠雨侵煙摺翠風潭水漾月生漪于焉嘉客相思久  
如此新涼忍負之漫說醉翁不在酒非逢高會總無詩  
昔賢赤壁扁舟興記取初秋旣望時

紺寒亭詩集卷九

古今體詩一百八首

嘉定趙 俞著

時期五孝廉自京師歸云館閣諸老齒及衰朽有  
招隱之意賦詩寄謝用道鄙懷得酬字 二首

頽齡爲報舊同遊  
眼目昏花白髮稠  
骸骨許歸清潁尾  
夢魂不到曲江頭  
斬新詩句嫌寒瘦  
泥古文章嬾應酬  
容我疎頑甘放廢  
溪邊橫筴正騎牛

海內人文京國遊  
雍容侍從主恩稠  
定知要路能援手  
無意彈冠不裹頭  
家口忍爲垂老別  
師門險已殺身酬  
偷生視息人問世  
文繡終辭入廟牛

戲爲諸老作荅二首用前韻

紺寒亭詩集

卷九

浮沉宦跡五年遊  
能爲官書理濁稠  
若是按圖才黑子  
便如嘗藥遇烏頭  
羊皮賢者身曾鬻  
馬革男兒志亦酬  
却怪抽身歸計早  
月支自失糞金牛

卷阿今且試來遊  
供奉官多職掌稠  
冊府纂排依韻脚  
直廬宣索換詞頭  
儒林有傳書生少  
畫錦名堂晚福酬  
神道他年知勅賜  
拽碑還許借村牛

張源雅有真定之行以詩留別次韻酬送

張子豁達性不羈  
快若天馬風入蹄  
涼秋遠走太行麓  
木棉裘重如鐵衣  
攢峰積翠意所戀  
那必登朝受主眷  
心胷浩落眼空濶  
白首青衫亦不怨  
江湖拍岸荻蕭蕭  
廣陵忽過廿四橋  
碧落銀河一萬里  
極目未覺遙天遙

江山助子筆奔峭迸出言泉飛百道才人辭賦極悲哀  
戰骨銷沉何處弔我亦東西南北人驅車曾歷滹沱濱  
讓子風懷才力壯遲子吟編格製新今者一尊話離別  
停飄冷浸半江月不用檀槽動鐵撥

爲席舍人漢庭題山莊圖

湖山深處著林廬不入仙班戀此居藏得縹緗三萬軸  
看來凝邃比中書

疊前韻

看竹肩輿許造廬交床相對水雲居開編知是三魚集  
不讀人間非聖書 舍人受業平湖先生

送徐宗頊廣文之任蕭縣

紺寒亭詩集

卷九

二

乍聚還教別酒傾片帆飛過闔閭城山從北固千峯出  
河自崑崙萬里迎人淡如花秋思遠詩清入骨宦情輕  
官齋自有閑風月指日吟編續刻成

糧儲道馬少參公生日 陝西武功人有序

伏惟明上

通鑑明上比之  
明府蓋又尊矣

紹衣前烈 公尊人  
殉難 簡昇乃

心攬響志在澄清提衡力能振刷宣昭義問敷布德  
威明作大以有功簡肅安于無事輕裘緩帶鈴閣蕭  
閑散帙投壺杯觴酬唱 某 自客冬曾蒙賓禮攝敝衣

冠叨陪樽俎旣承密坐又枉高軒栗里菊松遙蒙蔭  
庇釣船蓑笠亦沐光輝茲值維岳之嘉辰敬祝躋堂  
之純嘏千秋初度備陳五福之辭四韻俱成獲廁羣

賢之末微誠真同獻曝勺水豈足添波冒瀆尊嚴用  
塵清覽

物望羣山宗泰岱臣心秋月映清淮門施行馬尊銜憲  
帶賜通犀近晉階重地上游雙節鎮朝天導騎兩籠街  
願加使相充藩輔江表軍民正畏懷

其二

歸田自分卧烟波野服蒙寬禮數苛吉甫賓筵張仲在  
嚴公小隊少城過武功天近瞻星斗吾谷楓蘋照綺羅  
今日愧無朋酒獻敢陳一曲譜笙歌

時先生用咸王子樛園侯子鳳阿張子樸村集浴  
日堂得雁字限十韻

紺寒亭詩集

卷九

三

風籜辭霜柯凍泉溜石澗遙夜耿孤迴橫天一行雁我  
友歲寒姿苦嚴如味諫況有秀眉人我比猶童中遘茲  
風物美而無人事患酒懷助壯浪詩壘互摧陷古歡良  
可尋情欲失婚宦擾擾榮利者梯空上雲棧駭機偶未  
觸富貴乃酣豢一室萬慮消河海覺清晏

除夕以少資餽王子樛園辦椒酒又爲陸子維水  
供太夫人甘毳導之以詩

古誼稱分宅良朋共策肥聊爲斗酒具尚覺寸心違賣  
賦人情薄辭官家食微知君我未敢知我似君稀

右樛園

白華方逮養半菽佐承歡原憲貧幾病於陵矯亦難仁  
人我竊比孝子分應安料得高堂喜晨羞進一餐

右維水

盧子曾唯以硃砂箋益蘭陸子紀雲以梅花三白  
酒金華臘肉餽歲小詩酬其意

瓮盎稀膏膩砂箋鶴頂侵槭開迎日麗移處入山深給  
札登金殿思賢應玉琴故人珍重意媿我已無心右曾  
不謂承嘉問還勞二馬軍清知從事美鄙自昔人云家  
少藏書借才看宰肉分仍應邀過我燈火共論文右紀

丁亥人日舉淡成雅集以二律代東

賓朋未到句先成洒掃階除待送迎潭影碧涵雲石活  
庭柯寒入鬢蒼清圖書跌宕都忘老魚鳥飛潛各有情  
春興此中同領畧任他梅雪兩相爭

真率知交淡以成客忘修刺主忘迎吟酬物外煙霞契

紉衷亭詩集

卷九

四

標榜人嫌玉雪清開落花期無箇事差除邊報不關情  
坐中豈有機心在鎮日楸枰一局爭

補亭和詩見招再用原韻荅之

宿醒乍解睡初成又是東鄰遣騎迎稚子知緣賓客喜  
梅花分得主人清舊遊白髮真如夢醉話紅裊亦有情  
所愧報章稠疊在小詩敢與綺霞爭

才華斂贍八又成久合鞞刀帕首迎况是承家稱小許

近聞待詔入西清

今子丹思供  
奉翰林院

如君方展匡扶畧而我

都無仕宦情便恐升沉踪跡異樽前一刻寸心爭

歸子嵩霄續舉社集再次原韻二首

童童嘉樹鬱葱成客到如張車蓋迎

門前有古柏高數  
尋是二百年物

京洛歸來聲譽滿楊公畱與子孫清

謂其從祖  
司寇公

剪燈重

話今何夕對雪相思舊此情久別但爲文字飲定知此  
事少人爭

少長肩隨雁字成如磁引鐵兩相迎來尋米老西園會  
却得蘇髯入座清山水千重還有恨風花一片太無情  
春深鄧尉扁舟共勝事應須特地爭

朴村適入城  
與此集

同王子補亭張子樸村野步至金氏柳雲居追憶  
往年授經其家花時月夕觴詠園亭今園王渭師  
久捐館其長君南美次君增美亦先後物故然聞  
其令子皆露頭角矣撫今懷舊四十年來恍如夢  
境口占四絕蓋悲喜交集云

糾異亭詩集

卷九

五

二美摧殘最可傷鷓鴣聞亦各飛翔園丁可識看花客  
我是即君大父行

憶昔花前共舉杯溟濛烟樹雪千堆飛翻花事還如舊  
不見橫窓一老梅

水閣軒牕坐久之萬竿寒玉拂清漪主人化鶴歸來否  
舊友重來知不知

林廬清洒見遺風六世藏書在此中聞說鄰家歌舞地  
更無蝴蝶過牆東

送歸南岑唐薇衡赴上江開府劉中丞幕

士苟抱志節宇宙可擔荷豈能懷其寶適此林泉卧單  
車走四方亦不爲窮餓歸子望所宗唐生名亦播吾衰

仗朋舊借以策頽情大夫領節鎮書幣辟戎佐蜀江萬  
里奔皖城天上坐三子賢謀議問君何所作呼去先之德  
惠敷兼用威力挫軍民衽席安賓主鹽梅和勳名炳旂  
常直駕古人過江峰插岸青雲煙一帆破侵曉廣陵潮  
明星如月大滄浪發高咏怒激江濤簸公府鈴閣閑詩  
篇卽清課吾黨卓犖才於今有若箇二妙聯翩行誰歎  
共切磋詎不顧其私但爲大夫賀

題藝菊圖卷二首

白髮垂肩老逸民滿園秋色鎖松筠籬邊自有悠然意  
不盼江州送酒人

歎息斯花愛者稀尋常剝啄不開扉爲花特地求知已

紺寒亭詩集

卷九

六

直待陶潛薄宦歸

荷亭文謙觀雲間孔東巖題堂額大字爲作長歌

孔侯腕力放縱膽力雄能役神鬼鞭蛟龍百縑一字不

肯售賤直乃乞

呼去

田舍翁鳳皇自是千仞物豈便下與

雞鶩同丈夫飯牛牧豕亦可贍妻子令人笑殺童子鴻

我家廣堂殿四壁對面小山相拱揖水花紛敷香可吸

疎篁叢桂翠欲濕瀟洒不放暑氣入題額字大圍三尺

孔侯躊躇四顧脫幘立袍袖淋漓盡墨汁筆勢直攪溟

渤翻怕有陰雲起霹靂飲君酒贈君歌滿堂賓客久摩

娑先生六十髯未皤方今盛開隱淪屠釣科會見召登

天子殿指揮近侍脫朝鞞聲價天球琬琰過吾輩及蚤



收拾得筆墨流落人間多

孝義行爲同年葛見田尊人稚堅先生作

題其畫像

崑山山小如卓錫王師南下時江南四郡一十有九城  
一十六城豎降旗崑山不豎降旗豎義旗一城人戶同  
日盡死者僵屍填塹谷生者皆癡瘼有一孝子五經師  
學成壯大猶嬰兒倉皇竄走不見爺傳言亂兵得之束  
縛將屠刳孝子痛切裂肝脾爺不得活何以人爲麻鞋  
破綻決兩踵見爺歡喜作兒嬉直前抱頸吮其乳猛獍  
見之亦歔歔身願在伍供樵汲身願傾家佐軍資身尚  
有兄病白癡爺歸老癯須扶持嗚呼孝禮爭死前史美  
趙苞賊母義則虧求生害仁夫豈可危身奉親古人稀  
紺芙蓉詩集

卷九

七

先生文章雲錦披丹山鸞鷲雲端蟻入對大廷見天子  
自陳不欲得一官但乞終身廬墓全其私今看圖畫髻  
已絲眼角低垂意有思先生哲嗣我年友筆墨之役我  
豈辭嗚呼先生美材高行多足錄錄其大者著之詩以  
爲萬古人倫規

柬印子來譽

喜得芳鄰傍舊巢連林隔浦接烟梢人歸洛社香山裏  
地是廉泉讓水交圖就輞川同畫卷移來藜架借書鈔  
春秋佳日過從便欲返南村出近郊

自題課孫小照

四絕句

儒緩衣裳解組身一編課讀不嫌貧五年宦海成何事

添得星星兩鬢銀

逸情托興在林皋目送歸鴻的高忽作解衣磅礴勢  
新詩吟就欲揮毫

孝秀書升出老農還憑世德起衰宗汝今師法當前是  
百疊清谿萬仞峯

插架縹緗手注成諸孫次第一經呈傳家莫道無官蔭  
少長都教擁百城

縮瑟行

景迹

赤頭蠅也  
見歐集

絲繡頭赤幘一入杯槃人不食白鳥轟

雷待人血聚晒皮膚成窟穴蚰蜒百足須如繩王虺鬱  
律昂頭行蠍子江南舊無種王簿過江始作俑嗟余老

紺寒亭詩集

卷九

八

羸膽脆弱對之縮瑟前復却君不聞仕路舉足踟嶮巖  
肝腦塗地頂踵糜人生憂患豈必免但顧得禍有深淺  
我今已脫萬丈潭毒螫雖毒亦所甘

胥江舟次邀補亭嘗蟹有詩枉投次原韻荅之

秋江夜傍孝廉舟却辱推篷話昔遊尋友如魚還逐隊  
無官有蠡少監州霜空水月澄一色鄰舫笙簫坐兩頭  
歷數知交感慨外淡中滋味轉綢繆

補亭次前韻見投再依韻荅之

隨人栖泊也停舟偏覺星河照客遊當代風騷誰狎王  
古吳文物一雄州時名我遜居龍尾飲興君應亦狀頭  
明成祖謂魯學士榮卽論  
酒量也是本朝狀元  
豈識烟江雲樹底有人燈火

話網繆

王西亭給諫自青浦過訪席次枉贈佳什率爾奉

酬

倚檻看雲岸不巾軒車忽枉到松筠拒霜花笑如迎客  
印月潭空冷照人重話今宵疑夢寐清詩老境轉鮮新  
無多朋舊能相訪欲乞先生住一旬

西亭復投詩有歎老之句用韻解其意

曾上封章震大廷莫因雙鬢歎頽齡共期一節存清白  
不朽千秋有汗青出處遭逢明盛世平生誦法聖人經  
江湖歲月身強健焉用深山劬茯苓

送兩江總督于清端公入祠

紺裏亭詩集

卷九

九

尚書德澤在軍民事久歌思涕淚新裴令河東光岳氣  
公山西  
永寧人梁公江左保釐臣輕裘緩帶家風紹剛鬣柔毛  
國典申吳下一時傳盛舉雙祠並祀兩賢人雖州湯宗伯同立祠  
府學中

又

儲胥長有風雲護史冊應同日月爭文武提衡兼將相  
始終大節一忠貞身騎箕尾精靈在像肖麒麟骨法清  
漢代于公今有後旌麾親得奉粢盛

戲投瓊手未拈盆中忽作六紅以四韻記之時冬

至後十日

六瑄陽生氣尚微休徵忽此發天機老兄欲蒼先成采

小物蒙恩盡賜緋玉帶紫袍春夢隔金釵紅袖盛顏非  
清門詩禮歸詒厥待遣秋風入棘圍

樗園和詩以蒲輪賜緋相嘲次前韻自解

漫道江天有少微行年七十早忘機看花老眼常蒙霧  
曝日衰顏似映緋朽骨難憑占福應雄心尚悔壯遊非  
宅邊手種垂楊柳樹樹藏鴉大十圍

補亭得孫自和先世得曾詩韻見示輒步其韻

日躔星紀月初恒天上麒麟下百層庶子才華出鄭姑  
倫魁科日兆王曾四傳甲第添雙戟二祖門風又一燈  
外祖松坪學士家有長文常抱膝慈明敢便比聲稱

庭中南燭垂穗如絳囊預訂淡成同人人日集觀

紺寒亭詩集

卷九

十

丁亥小除

霜叢牆下翳蓬蒿陡起朱霞十尺高福鎮此邦留韎鞞  
時方有訛言故引用安宜尼升天事光疑上苑出櫻桃賞心知已攜紅友  
賦物詩人比水曹人日杯觴除夕訂不嫌名紙欲生毛  
其二

蠲租詔下沐恩波不共爲歡君則那畏友酷思張仲孝  
朴村方讀禮未往邀之同人賢校竹林多人今漸推廣之物華瑤

草琪花似才調騰蛟起鳳過追溯風流今一紀承平樂  
事莫蹉跎

東江考功過訪述懷卽事二十二韻別後却寄

君子行其道不以出處異出則社稷安處亦鄉邦繫考

功今儒宗人文天下最蓋亦器業優不但學養邃樂志  
歸田園桑梓蒙衣被凡有大興除昌言排衆議剛果能  
惛服州將每奪氣折衝亂萌銷殛暴猛噬殪從容出片  
辭爲惠殆不費學者皆師法走亦所兄事脣齒壤地接  
各欲伸此義自分名位卑嫌怨亦不避別久忽相思單  
舸乘潮至庭階小草花霜中弄餘媚欄隙漏銀蟾深更  
照薄醉精思渺萬慮高論吐一切學術辨純駁趣舍別  
義利積此夢想勞頗謂曠懷遂名賢泄此邦邦君宜擁  
篲不具主賓禮詭辭云疾廢鳳皇翔千仞未可凡鳥視  
先生笑不言莫能闕其際

樸村以祝京兆草書滕王閣序見貽走筆作長句

紺寒亭詩集

卷九

十一

荅之

張子僻居橫港曲老屋荒村蟠古木夜有寶氣燭斗星  
不是紫磨千斤珠十斛乃是收藏名人手蹟三百軸黃  
金押頭錦作暉白玉之籤瘦楠櫝初冬寄我雙鯉魚惠  
我京兆狂草書開械使我曾襟氣發攄頭髮悶癢得爬  
梳雄恣怒蛟裂山谷微茫晴絲颺空虛筆鋒劊削刀劒  
氣行間變滅雲烟俱勝國書畫誰冠代吳中祝沈稱兩  
大文仇于時亦知名俯首帖耳皆下拜東坡論畫推摹  
詰道子雖工亦割愛歐公子書服君謨後乃襄陽擅一  
派畫妙意到筆不到鬚眉刻畫神不在書家雄秀獨魯  
公學者未可取姿態古今好尚有廢興彼此低昂互向

背朴村鑿別具清識其于草隸尤肆力愧我斯道昧白  
黑敢云千慮有一得吁嗟俗論真耳食何時共攜此卷  
南遊匡廬上絕壁俯看飛流直下三千尺

陸魯巖學憲八十壽詩

登朝弱冠此懸車壯者精強似不如仙骨輕於縑嶺鶴  
童顏光照碧山魚盡收鄒魯諸生後未減機雲人洛初  
還待平章軍國重肯容高卧戀林廬

松坪學士置莊良鄉遣家口就耕貽書鳳阿欲嗣

志作詩歌發之 某首唱

伊尹耕莘野蓋以樂其道諸葛耕南陽意亦將終老及  
其奮風雲豈復謀温飽子從田間躍天衢玉局琅函恣

糾果亭詩集

卷九

十一

搜討堂封官給祿賜豐正愁厭飫生苦惱云何田彼近  
畿田人飯脫粟馬芻藁麥旗秧馬督課誰主孟乃至煩  
丘嫂酒腸窄小救口急少種秫田種秫稻朝官于古有  
此無遠近傳聞皆絕倒卽此調燮陰陽和地力天時成  
萬寶有厭其傑稗亦收立苗欲稀稠更好可能湯沐賜  
餘閑穉穉秋香對晴昊我辭彭澤把鋤犁陶耕翟耘不  
相保倚嗟學士官非小報荅國恩何日了我昔退耕悔  
已遲君若明農恐尚早

丁亥除夕言懷得二律

仕版初登艾已踰乞身便恐逼桑榆司空表聖王官谷  
五柳先生縣大夫酒最適情惟薄醉棋于收局未全輸

結廬廬市悠然得曠若扁舟泛五湖

右自幸

常循古訓攻吾短寡過於今却未然骨格每嫌時樣別  
文章深媿外人傳求名後世真爲累力障頽波也迺偏  
此夕歲除除不盡切磋還仗友朋賢

右自規

西施乳四絕句

卽河豚白

塞上凝酥總不如腹腴定復勝前魚才教入口消融盡  
自此忠言骨鯁疎

豪俊風流范大夫當年禁鬻一嘗無輒温便合銷魂死  
贏得江山已是輸

秦虢諸姨卸晚粧夫差還讓李三卽就中滑膩知誰最  
翠被春寒一一嘗

紺寒亭詩集

卷九

十三

張蒼落齒已成翁那似當時飲啖雄若論色香風味美  
人情嗜好也應同

探梅卽事

二首

林逋高隱士何遜盛才名花以詩人重詩如花氣清人  
忙有底事我老尚關情未必冥搜句能同冰雪明  
偶然乘興往興盡亦隨還但得花間趣何須湖上山孤  
情遊物外絕跡在人寰歸索檐花笑花神爲解顏

咏紅梅

染就臙脂別樣嬌孤山非復舊風標杏園一色春紅膩  
便恐寒香暗裏消

咏綠梅

帶得湘江色欲飛羅浮夢裏見依稀江妃莫漫矜新豔  
自古風人怨綠衣

送時期五孝廉偕其高足入都卽留上春官

二首

積雨漲隨瓜蔓水輕橈香送藕花風一簾煙景青山外  
千里笙歌絳帳中館閣今添新集鳳京都傳說舊乘驄

孝廉曾祖官  
延城御史

錦衣還作萊衣舞迎養娛嬉百歲翁

風骨孤鶩肌理勻陳言擺落見真醇有聲塲屋誰先子  
得手文章定入神捧日懸知霄漢近爲霖最是梓桑親  
江濱衰白存遺老扶杖還看事業新

贈洞庭陸聲遠

具區七十二峯藏都爲山人作一莊阿堵物揮與友共

紺寒亭詩集

卷九

十四

寧馨兒有衆材長傳家莫道清無業得句還推老擅塲  
可許蒙泉同泛宅期願吟醉白雲鄉

苦雨歎

戊子五月作

嗟余蓬藿姿白首守章句有子不課讀但使力農務饘  
粥旣所資災稔能不懼甘雨貴及時淫潦則無度翻欲  
倒瞿唐溜如奔瀑布勁可七札穿攢若萬弩注牻豹應  
戰慄天地爲拗怒淹旬無一休百瀆交橫驚坳堂渺湖  
泊咫尺須津渡收穫豈復望耕作何所措往歲愁旱乾  
皇仁大布濩側聞澤不究蓋亦物有盡何天又降割斯  
人遂沉痼舊有薄田遺遣此頽齡暮巖桂馥已苞畹蘭  
馨欲吐脫粟救口急擷蔬賓饌具便恐從此艱頓乃失



其素民生遭顛隳我躬并耗斃恤緯嫠婦宜憂天杞人  
誤抱膝起長嗟豈爲一身故

詠史六首

紀羣器業世應稀呂布梟雄亦暫依畱與曹公作佐命  
可能便解下邳圍

陳羣

比定中原事可爲襄樊摧破七軍時運籌帷幄何人在  
待出祁山計已遲

諸葛亮

饋藥休言是睦鄰兩雄力抗且相親參吳便是吞吳意  
莫道羊公不酖人

羊祜

龍驤建業是奇功間道成都事亦同鄧艾沉寃千古痛  
文皇不似武皇聰

鄧艾

紺寒亭詩集

卷九

五

洛下才人戀國榮同時吳彥一官輕輸他飽食鱸魚膾  
還聽秋空鶴唳聲

陸機

禁旅頻麾白帟旛諸王蹀血在宮門魏家不遣居戎鎮  
却保東阿得奉藩

八王

解嘲詩四首

有序

于禮懸車之歲不廢司盥之人所以逸老壽示優崇  
也余謝簪組獲遂林廬猥以頽齡諧茲稚齒綴之泉  
石之間畧爲烘染游之藝文之圃粗習棧讎不知者  
病其耄荒曲諒者許爲閑適若論風流儒雅聊以傲  
顰卽方古昔先民未爲蕩檢得詩四章用資一快  
芙蓉秋水漾晴霞書幌輕明隔絳紗欲爲詩腸潤枯稿

却從粧鏡借穠華，照入冰雪心空盡。助我丹鉛日力加，所惜未諳箋疏義。還應慚愧鄭玄家。

微尚原於世味恬，一官常是守齋鹽。歸田歲月閑情在，釣艇烟波老伴添。寒對菊松殊有韻，貧安蝦菜兩無嫌。風懷名輩差相似，敢謂餘齡食蔗甜。

昔年歎逝似安仁，衰樂關心事亦頻。馬齒已推杖國老，鹿門別有耦耕人。如斯粲者今何夕，得往參焉意轉親。藜桂山莊書屋裏，堂前依舊敬如賓。

儒素家風給力便，竹牕何意貯嬋娟。助操井臼憐渠小，爲抱衾裯覺汝賢。笑比門生常問字，閒隨居士共談禪。有時待月鉤簾上，一聽嘵嘈鐵撥絃。

紺寒亭詩集

卷九

七

朴村留宿遺虎皮褥檢還以詩道意

薄暮歎柴荆，老友踐宿諾。燈影伴孤迴，鴈聲入寥廓。凌晨鼓歸棹，霜枯江水落。襍被裹未收，突見雙睛閃。爍僮奴驚怖啼，勢欲撲雙脚。嗟余方病疴，難覓功臣閣。藉此威猛力，可以鎮邪惡。所患竟良已，迅風掃秋籜。先生講易用，所須今者歸。家何所作疇，昔之夜意惘。然別後相思殊不樂，未知何日升講堂。買舟直向君家楊柳灣頭泊。

贈青浦令鮑非炎

鮑山東滕縣人與余舊治定陶鄰比

百里西南有樂郊，清風披拂到衡茅。鳴琴昔忝知滕近，傾蓋今成管鮑交。照縣繁花叨接席，連林息羽得安巢。

往還採取輿人誦甲乙分編手自鈔

蔡母沈太君六十

節母名閨一女宗動循禮法凜三從斷葱手自成分刊  
寄鮮家曾不啓封教子殷勤留范式過賓嗟賞敬茅容  
清修養志承歡足已抵他年祿萬鍾

送歸嵩霄入都赴禮部會試

七上公車廿載踰此行奮迅躍天衢東吳人物扶輿秀  
太僕文章近古無國典求賢科目重家風舊學老成須  
當今未少余文敏再識南中一宿儒震川先生嘉靖乙丑出余同麓之門  
送王樹百入都會試并寄語松坪學士

三年南北定相思驚喜先生髯未絲知解金貂隨換酒

紺寒亭詩集

卷九

十七

便燒銀燭出新詩倘同館閣推前輩多恐春闈是王司  
內舉所親才望協事君合以古人師

輓潘羽參

鶴骨峻嶒老健稀道山無疾竟遄歸百年去住同遊戲  
一邑咨嗟失所依耆德特爲明府敬昌言每愧薦紳非  
居民巷哭私親似鄉望於今屬布衣

賀周南諧舉子

王露軒華軒綺席開充閭佳氣鬱葱哉抱騎銀鹿知歡  
喜探得金環是再來前歲周曾喪一子族姓并教絡秀貴圖書  
留爲袞師才太常記取齋期過湯餅明年第二回

巳丑人日淡成社集以詩代東二首

儉歲清門一倍艱眼看芳序又循環自治鮭菜粗爲具  
出典朝衫大破慳試問浮生何者樂未知塵世幾人閑  
過從更莫拘時節客到雙扉總不關

十二年中不定踪歡場人日七年同千秋杜叟空留句

九老香山遜此風騷雅並驅皆國彥凋傷苦憶一宗工

謂時用戚名賢世美能相紹坐上元方肖仲弓謂期五

先生已訂期注又韓張苧巖二學博以督賑無暇改卜

初四日次原韵轉訂

嘉客臨期有後艱賢勞未得大刀環已騰箋素申前約  
敢撤壺觴便老慳三日先庚尋好會半旬休沐趁餘閑  
廣文猶爲冠簪絆我幸辭官免抱關

糾寒亭詩集

卷九

大

羣賢此日繼芳蹤樂事雖同有不同梅蚤未飄萬點雪

客遲爲助一帆風張朴村盛二鷗鄉居遣信改下速之翻從倥偬添詩話

直覺推移奪化工細菜春盤倘可待天邊纖月漸如弓

留別杭州太守同年張韋存二首

神仙窟宅西吳最管領湖山南面尊蘇白重臨名勝郡

韓崔同出大賢門十年契濶今傾倒萬頃空濛遠吐吞

別去尚畱一欠事孤山虛度月黃昏以積雨不得泛舟湖上

青芻白飯已云饜敢冀瓊瑤報木桃太守清餘雙舞鶴

故人寒待一綈袍分金鮑叔誠希有乞食淵明未損高

爲載廉泉六井水歸舟欲發尚停篙

同年翁蘿軒少參爲仇家所中涉于吏議急往赴

之事已得解方探梅西谿喜而有作

風義今人與古齊曾援賤子拔塗泥祇知爲友相排解  
忽以無兄被巧詆赴難兼程衝白浪閑情出郭聽黃鸝  
東山絲竹忘憂喜各位終躋上執珪

聽歌 二絕

風標玉映比檀奴水調歌喉一串珠坐客賞心我亦爾  
都忘身是白髭鬚

畫船載酒綠波明心怯篷窓雜雨聲喜得來朝花氣煖  
管絃今已報春晴

蘿軒邀同湖莊看花

莫教春事雨中過出郭煙嵐顛黛螺載樂還隨書畫舸  
紺寒亭詩集 卷九 九

移家遠入水雲窩花含蓓蕾如相待遊得詩篇便不磨  
湖上結廬曾有約買山無計欲如何

湖莊卽事 四首

名園須擇勝傑構此無雙嵐翠山山雨烟波面面牕濤  
聲平拍岸樓勢遠吞江樂部教成就新翻入破腔

曾次藏丘壑經營絕垢氛浣花谿帶曲斤竹嶺中分適  
此林泉趣還同麋鹿羣宦游多著作欲共細論文

蝦蟆嶺 名上碧落瑪瑙寺 瞰湖潯泉溜懸松頂鐘聲到水

心起蛟空有跡出蛟放鶴杳難尋 對孤 登眺成今古悠

然托寄深

樂惟賢者有興與古人諧近郭圍碁墅臨流畫舫齋山

川增秀發風雨未沉埋朝市今何似江湖且放懷

蘿軒畫便面并題詩枉贈輒依原韻奉酬

六橋分手是何年別緒追尋意惘然命駕相思鸞喚友  
挑燈重試虎跑泉過雲歌板江山麗帶雪谿梅鐵石妍  
我輩襟懷湖海濶旁人但以管窺天

再留別張韋存太守

明府苦教投轄住山莊又已放舟迎別來鎮日還相對  
石骨高寒水面平

白雲同宿翠微巖沾濕遊人短苧衫好比故人繾綣意  
隨風遠送北歸帆

新晴蘿軒載樂同泛湖歷諸勝

紺寒亭詩集

卷九

三

雨後無邊綠春深一抹濃晴巒初出浴粧鏡爲誰容歌  
微溪山響湖明月月鎔留連忘永夜遠寺已聞鐘

暝色

心似白鷗閑迴舟蕩漾間遙天看入水白霧忽沉山盡  
失巖頭翠微留日脚殷映林燈火出始覺抵柴關

杭守過訪湖莊主人留酌情話卽席口占奉呈

山廚斫鱸具盤餐便許花間卸馬鞍愛我清詩常在口  
看君逸興似無官天風拂水飛寒雨人語高空落激湍  
競訝軒車稀出郭特因訪友到江干

同年新樂令張昆貽用公家錢盡收法書名畫詩  
以壯之兼有所規

書畫一小道其妙乃入聖古有性所耽直與髮膚並破  
塚干法紀殉葬遺詔令此中得奇趣蓋亦未足病我友  
昆貽氏清標冰玉映醞釀放厥辭乳穴山泉迸出爲親  
民官治道一簡敬好蓄古卷軸自恨力不稱故相累世  
藏珍賞手鑿定蒐羅盡四海富有埒萬乘零落出人間  
質劑有市乎呼去先生發狂叫直視兩目瞪意非但領畧  
力且圖兼併盡用公家錢毋乃迫陷阱旁人交諫阻掉  
頭一不應豪者聲伎逐鄙或刀錐競所好別清濁可以  
觀性行同年翁廉訪彼此殆季孟士林挺卓犖秀靈所  
結孕一郡兩雄長他年互印證光怪忌太洩萬物憂過  
盛退之人物卷肯爲侍御贈靈寶書畫舸識者且譏評

結寒亭詩集

卷九

三

去呼二子負器業不久握政柄憂樂以天下于此偶托興  
君子于友道誼當規以正豈可務張大夫我敢爲佞

巳丑二月既望蘿軒攜樂載酒偕其賓從送余北  
歸至高亭山乾墩村觴咏二日而別其地廣袤可  
六七里盡栽緋桃無雜木無隙壤內皆魚沼藕塘  
堤岸犬牙錯互高閣平臨則地衣作霞片輕橈深  
入則步障隔絳紗波光映發漪澱皆成靺鞨人面  
相看脣口重傅臙脂芳華之麗矚絲竹之繁會于  
斯極矣爲賦一章以紀其盛

雨雲收捲幔初開照眼紅霞爛作堆灩灩還憑水蕩漾  
重重最愛渚紆迴何當送客銷魂地却得繁花勸酒杯

別後篷窓縈夢寐未知何日再追陪

奉訪浙江學使同年彭諭德直上

詞伯舊推燕許手文星今照斗牛墟  
薄遊蹋雪飛鴻似懶性閑雲野鶴如詩社  
昔曾酬唱合交情寧以困窮疎  
剪燈重話巴山雨千里扁舟定不虛

王斗初索題張君度峨眉積雪圖爲張母某太君  
壽

丁亥旱乾海潮竭戊子霖潦河堤決  
總爲冬陽不固藏雷不收聲少冰雪  
今者何處得此漫空雪堆作白鹽山  
霏若雲母屑萬竅盡鳴號萬景皆變滅  
崇嶽邃谷白糝糊微覺窪隆作凹凸  
村店無煙飛鳥絕行人凍縮如伏

紺栗亭詩集

卷九

三

籠暮春花氣晝溟濛杜鵑蜀茶赤于血  
化工倏忽逞神奇奪此暄妍換淒切  
吾聞青城洞府在天上峰巒詭譎  
難名狀哀壑層冰夏不開平地積雪常一丈  
恨我年紀非少壯不得縱目一觀雲海  
盪畫家心手久醞釀移却蜀山上屏障  
不見天梯石棧相鉤連但見彌山絡野烟  
雪漲王秀才色清暢志力勇銳才情放  
愛我詩格殊雄宕請與此圖角筆仗衰翁  
此事能爾爲且爲壽母進一卮天地閉  
藏霜雪苦萬象從此迴春姿即君他日走馬  
長安看桃李莫忘九熊畫荻時





